

# *MODIMO O TSEBAGATŠWA*

## *KA DIMELO TŠA GAGWE*

 Tate wa Legodimong, re a Go leboga bakeng sa monyetla wa go re hlahlela fa go Beaumont, Texas, gape. Bjalo ka ge ke lebelela go dikologa mo bophagamong bjo, ke elelwa dinako ge re be re le mo pele, le dilo tše kgolo tše O di dirilego, ga go pelaelo bontši bja batho bale ba dutše thwi ntle fa bošegong bjo. Ge nkabe O se wa kgwatha mebele ya bona ya go babja, ba ka be ba se mo bošegong bjo, eupša O dirile, gomme ba mo. Megopolo ye mentši e dikadika, e tla ya yohle ka go Bokagosafelego le rena.

<sup>2</sup> Re a rapela gore O tla re fa tšhologelontle ye kgolo ya Moya. Re šegofatše mmogo. Šegofatša kereke ye nngwe le ye nngwe, moleloko yo mongwe le yo mongwe.

<sup>3</sup> Gomme, Morena, ka go ikgetha šegofatša ngwana wa borena yo moswa fa, Ngwanešu Pearry Green, o sepelela ntle ka pele go leka go bea pele Wo. A nke batho ba—ba toropokgolo ye ya go ratega ba bone ma—ma maikutlo ao lesogana le le nago bakeng sa batho fa, go ba tliša go Kriste yoo a mo ratago. Gomme o leka go tliša bodiredi bjo bongwe le bjo bongwe bjoo a ka naganago gore bo tla ba nnete, gore o lekotswe ke Lentšu, gomme o nyaka go bona batho ba phološwa.

<sup>4</sup> Re thuše, Tate, ka go maitapišo a rena, bjalo ka ge re ineela renabeng go Wena bakeng sa tirelo, go tlhompho le letago la Modimo. Re e kgopela ka go la Jesu Leina. Amene.

<sup>5</sup> Bjale, re . . . e nong go elelwa, bošego bjo bongwe le bjo bongwe bjale, tlišang yo mongwe le lena, goba go ya mogaleng le go botša yo mongwe, le go botša modiša yo mongwe le yo mongwe, kereke ye nngwe le ye nngwe. Ga go kgathale se e lego, ebole le ge ba fapano le rena, ge feela o ka kgona go tla ka gare, wa dula fase, wa itshwara le go ba gabotse, ka kgonthe re a go thabela go ba mo.

<sup>6</sup> Gomme bjale tlišang Beibele ya lena, tlišang phensele, ngwalang sengwalwa. Eya, se nyake ntle, se hlodišiše ka Lentšu gomme o bone ge eba se a rereša goba aowa. Le a bona? Gomme ka gona o se ke wa tšeа thutabomodimo ya gago mong, e no e tšeа ka tsela ye Beibele e ngwadilwego. Le a bona, makga a mantši re ka re, “Go ra se, se ke se Le se rago.” Modimo ga a hloke mohlatholli yo a itšego, O hlatholla Lentšu la Gagwe Mong. Le a bona?

<sup>7</sup> Modimo o rile, “A go be le seetša,” gomme fao gwa ba seetša. Seo se be se sa nyake—sa nyake tlathollo ye e itšego. O . . . E

diregile feela ka tsela ye A boletšego. O rile, "Kgarebe e tla ima," gomme o dirile. Seo ga se hloke tlhathollo e ka ba efe.

<sup>8</sup> Modimo o tshepišitše dilo tše di itšego go lebaka le tše di swanetšego go direga! O e boletše, ga e hloke tlhathollo nako yeo. Modimo o boletše bjalo, gomme O a hlatholla, ka Boyena, ka fao Beibele e rile Ga e na le tlhathollo ye e itšego ya sephiri. Modimo o hlatholla Lentšu la Gagwe Mong ka go Le hlatsela.

<sup>9</sup> Bjale ke a makala ge eba re tla ema ge re bala Lentšu la Gagwe, go tšwa go Puku ya Bahebereg, tema ya 1. Lebaka le ke le kgopelago go ema, ke go hlompha Lentšu le. Ke a dumela gore Lentšu ke Modimo, "Mathomong go be go le Lentšu, Lentšu le be le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena." "Jesu Kriste wa go swana maabane, lehono, le go ya go ile," yeo ke kgwekgwe ya masolo a rena. Kagona, ge re bala wa Gagwe Mong wa go ngwalwa fa go Lentšu le, re a ema. Ge re ema go botega go folaga, ge folaga ya rena e feta kgauswi, re ema go hlompheng folaga ya rena, setšhaba sa rena, re swanetše go e dira. Ka gona, ke bontši gakaakang re swanetšego go ema ge re bala Lentšu la Modimo! Bahebereg 1:1-3, ge re bala:

*Modimo, yoo mehleng ya kgale le ka mekgwa ye  
mentši a boletšego dinakong tša go feta go botate ka  
baprofeta,*

*Mo matšatšing a a mafelelo o boletše le rena ka Morwa  
wa gagwe, yo a mmeilego mojabohwa godimo ga dilo  
tšohle, yo gape a dirilego mafase ka yena;*

*Yo a lego ka go phadimo ya letago la gagwe, le  
seswantšho se se hlagišitšwego sa motho wa gagwe,  
gomme o bolokile dilo tšohle ka lentšu la maatla a  
gagwe, ge yena ka boyena a lefile dibe tša rena, o dutše  
fase ka seatleng se setona sa Bogoši godimo;*

<sup>10</sup> A re rapeleng. Ke ba bakae bjale, ka dihlogo tša go inama le dipelo, ba ka ratago go gopolwa ka thapeleng, gore ka kopano ye, felotsoko, Modimo o tla fa kgopelo ya gago? E no phagamiša seatla sa gago. Morena o bona seatla sa gago.

<sup>11</sup> Tate wa rena wa Legodimong, bokgole bjoo mahlo a ka a kgonnego go bona, go bile le lebotho la go felela la diatla. Ka kgonthe kutollo ya Ngwanešu Green le tlhologelo ya ka go tla, e be e nepile. Bjale, Tate, ba fe tlhologelo ya bona, go ya ka Lentšu la Gago le tshepišo ya Gago. Re ba neela go Wena. Gomme a nke maphelelo a rena a lokelwe kudu le Lentšu, gore Lentšu le tla ba nama magareng ga rena gomme le tla fa batho tumelo go goga go tšwa go lebaka la bona ka Legodimong, le Jesu a le beetšego bona botelele go fetile, bakeng sa dibe tša bona le bolwetši, bjalo ka ge ba le leetong. Re šegofatše bjale, re a rapela, ge re letetše go Wena go utolla go rena Lentšu la Gago, le go Le dira nama magareng ga rena. Ka gore re e kgopela Leineng la Jesu. Amene.

Le ka dula.

<sup>12</sup> Bjale ke tla, ge le ka no leka go, le se sepele tikologong gape go feta se le ka se thušago, Ke ra go ya godimo le go ya, go fihla feela ye e latelago ye masomenne tlhano, metsotso ye masometlhano, se sengwe boka seo. Bjale, nga—nga ngang—...

<sup>13</sup> Selo ke se, re nyaka go tseba se e lego Therešo. Gomme yeo ke Therešo e nnoši ke e tsebago, ke Beibele. Bjale, Modimo o ya go ahlola lefase letšatši le lengwe, re dumela seo, gomme yo mongwe le yo mongwe wa rena ba ba hwago o ya go tlišwa ka Bogeneng bja Gagwe bakeng sa kahlolo. Ke na le dinoutse di se kae di ngwadilwe ntle mo, le Mangwalo a ke nyakago go šupa go wona metsotsong e se mekao.

<sup>14</sup> Bjale elelwang, ge nka botšiša bošegong bjo, “A go ne Mokatoliki fa?”

“Ee,” ba tla re. Gomme mohlomongwe . . .

“Gabotse, Modimo o tla ahlola lefase ka eng?”

Ba tla re, “Kereke ya Katoliki.”

<sup>15</sup> Ka gona ke tla re morago, “Kereke efe ya Katoliki?” Ba a ganetša. Go na le go se dumelelane go gontši. Ye tee ke Moroma, gomme ye nngwe ke Segerike, le Orthodox, le go ya pele. Re ne bontši. Ge nka re . . .

<sup>16</sup> Methodist e tla tsoga, ya re, “O tla le ahlola ka kereke ya Methodist.” Gabotse, ge go le bjalo, gona Baptist ga e na sebaka. Gomme ge ba le ahlola ka Baptist, gona Methodist ga e ne sebaka.

<sup>17</sup> Ka gobane, elelwang, go hloka tsopola go fošagala go gonyane ga Lentšu, le tee (e sego lohle la lona, feela e sego temana e tee), feela mothawana o tee wo monnyane wa go se dumele Lentšu, o hlotše lehu le lengwe le le lengwe, bolwetši bjo bongwe le bjo bongwe, manyami a mangwe le a mangwe. Yoo e be e le Efa, ka serapeng sa Edene. Bjale ge se sohle se se bitša seo, ka gore feela mohumagadi o tee ga a kwešiše Lentšu . . . Ga—ga se a e dira ka boomo, o be a “forilwe,” Beibele e boletše. “Go forwa,” ke Lentšu, go hlotše sohle se, gona wena le nna ga re ye morago le e ka ba eng go fetwa ke Lentšu ka moka.

<sup>18</sup> Bjale, ke a dumela, Beibele e bolela gore A ka se ke, Ga ke dumele gore Modimo o tla ahlola lefase ka kereke ya Pentecost, ka Methodist, Baptist, goba Katoliki. O tla le ahlola ka Jesu Kriste, O boletše bjalo. Gomme Kriste ke Lentšu, “Mathomong go be go le Lentšu, Lentšu le be le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena. Wa go swana maabane, lehono, le go ya ile.”

<sup>19</sup> Selo ka moka ke sa Gosafelego se segolo. Bokagosafelego ga se nke bja thoma gomme bo ka se tsoge bja fela. Kagona, ka go Yena yo mogolo yo wa Gosafelego go be go le ditholanakgopololo,

go ba Tate, go ba Morwa, go ba Mophološi, go ba Mofodiši, gomme dilo tšohle tše di be di le ka go Žena. Gomme selo se nnoši se se diregago bjale, ke go pealatša ditholanakgopolو tša Gagwe. Seo ke ka moka.

<sup>20</sup> Bjale, maina a rena a beilwe Pukung ya Kwana ya Bophelo pele ga motheo wa lefase. Gomme ge Lentšu le ratha seo, ge e le seetša e ka ba sefe fale seo se beetšwego go Bophelo, Jesu o rile, “Ga go motho a ka tlago go Nna ntle le ge Tate wa Ka a goga, gomme bohole bao Tate wa Ka a Mphilego ba tla tla go Nna.” Kafao, le a bona, ke Lentšu, kgafetšakgafetša, Lentšu, Lentšu.

<sup>21</sup> Bjale, ke nyaka go bolela bošegong bjo godimo ga thuto, go goga go tšwa go kgwekgwe go tšwa go tema ye re e balago, *Modimo O Tsebagatšwa Ka Dimelo Tša Gagwe*.

<sup>22</sup> Bjale, gantši se sengwe le se sengwe seo re se hwetšago se ka tsebagatšwa ka dimelo tša sona.

<sup>23</sup> Bjale, re ela hloko, go swana le ka go bophelo bja phoofolo, o tšeа go swana le ka go bophelo bja nonyana. Bjale, o tšeа go swana le—le ponyane, ge e fofa, le masehlaneng, e lebega yohle kudu go swana. Eupša semelo sa ponyane, e pokapokiša diphego tša yona le go wa, gomme morago godimo le fase, godimo le fase. Seo ke semelo. Ge o ka hlokomela, masehlaneng e fofa kudu ka tsela ya nosi.

<sup>24</sup> O lebelela sekhwilri ge se rotoga, popwaiete, ka fao se fofago. Šetšang sekhwiri a Gambel ge se etla godimo, lena batsomi. Le a bona, go na le phapano. Šetšang jacksnipe le Wilson's snipe, semelo se beakanya se a lego.

<sup>25</sup> Nku ye kgolo e eme ka lehlakoreng la thaba, ge eba a bile le mokokotlo wa gagwe o furaletše, karolo ya ka morago ya serope ke ye tšhweu, karolo ye nngwe ke ye tshehla. Ge o be o sa tsebe dimelo tša nku yela, e ka kgona go ba tshepe. Le a bona? Le a bona, o swanetše go tseba dimelo tša tšona, go hlatha seo se lego le seo se sego gona. Dilo tše dintši re ka ya pele go le botša ka bophelo bja phoofolo.

<sup>26</sup> Ka gona re tla tlase go bophelo bja motho, dimelo gare ga monna le mosadi. Go na le phapano. Bobedi ke batho, eupša dimelo tša bong bja bona di a ba hlatha. Ke be ke bala nako ye nngwe ya go feta ka bjo bongwe bja mathata ao a beilwego go mo—mo moleko wa Salomo, ke kgošigadi, gore o be a ne basadi tsoko ba apere boka banna. Gomme Salomo o bile le bona go sepela le go dira dilo di se kae, ka pela o rile, “Bona ke basadi.” Le a bona, ka baka la gore o kgonne go bolela ka tsela ye ba dirilego, gore di—di dimelo tša bona e be e le basadi. Go na le se sengwe ka yona, seo o ka se kgone go se uta, ke—ke mosadi ka baka la gore semelo sa gagwe—sa gagwe se mo tsebiša go ba mosadi.

<sup>27</sup> Go no swana le letsogo le letona le le letshadi go batho. Bobedi ke batho. Le hlokomele, gomme yo mongwe wa bona ke

letsogo letona gomme yo mongwe ke letsogo la nngele. Šetšang ka tsela ye dimelo tša bona di ba hlathago, o ka bolela ge eba ke letsogo le letona goba la nngele goba aowa. Le a bona? Efela bobedi ba ne diatla, bobedi diatla di lebega feela go swana tlwa, feela go swana tlwa.

<sup>28</sup> Nka lahlela se sengwe se sennyane mo. Jesu o rile, ka go Mateo, tema ya 24, gore, “Mo matšatšing a mafelelo, meboya ye mebedi e tla batamelana kudu mmogo go fihla e tla fora le bona bakgethiwa ge go be go kgonega.”

<sup>29</sup> Bjale, seo se no swana le go lebelela seatla se setona le seatla se setshadi. Bobedi di na le menwana ya mogogorupo, menwana, manala, menwana ye mennyane, menwana ya gare, go ya pele, nnapanyane, yohle ke menwana ya go fapania. Bona, bobedi matšabatšaba a mogogorupo, wo motee feela o nno retologela tsela e tee gomme wo motee go ye nngwe, bobedi matšabatšaba a go swana, o dirile tsela ya go swana, matšabatšaba a mogogorupa. Se sengwe le se sengwe se swana ka go swana, phapano e nnoši ke semelo sa sona. Se tee ke seatla sa nngele gomme se setee ke seatla se setona, yeo ke phapano e nnoši.

<sup>30</sup> Gomme yeo e no ba tsela ye meoya e tla bago ka go letšatši la mafelelo, e tla, feela semelo sa yona se tla bolela ge eba ke wa Modimo goba aowa. Wo motee wa yona o tla nnete gomme wo mongwe wo motee o tla ba phošo, o tla no o tseba feela ka semelo sa Modimo. Feelia ka go phethagala, go tla swanelia go ba ka tsela yeo. Eupša seatla se setona, re tla re ke “nnete,” gomme seatla sa nngele se be se le “phošo,” le a bona, goba pele le morago, e tee ya tšona. E beakanywa ka dimelo tša yona. Feelia o ka kgona go o tseba ka semelo sa wona.

<sup>31</sup> Bjalo ka ge Israele e be e le leetong la yona, e etla godimo go tšwa Egepeta. Bjale, Modimo o be a na le Israele, O be a ba laeditše leswao le legolo tlase kua, a romela mopropfeta go bona gomme a tsebagatša Lentšu la Gagwe le le ngwadilwego. Gomme ge A ba tliša godimo, re bogela semelo sa Gagwe, ka fao A kopanego le Moshe, dilo tše A di dirilego. Gomme mo ya gagwe...tsela godimo, ba tlide go setšhaba se sengwe, e bego e le Moaba. Gomme Moaba e be e le setšhaba se segolo, bjale, e sego bahetene, le ka mokgwia ofe. Bao e be e le bana ba barwedi ba Loto, gomme ba be ba le badumedi. Bjale, šetšang ditšhaba tše pedi. Se tee sa tšona ke setšhaba sa go lemogwa, se nngwe se no ba moneneri. Gomme bjale ba tla go lefelo gore setšhaba se segolo se sa Moaba se dutše thwi ka go otlologa mo mothalang wa tsela ya bona ya mošomo, go ya nageng ya tshepišo. Bjale ba bile... .

<sup>32</sup> Lebelelang di—di ditšhaba tše pedi, se sengwe le se sengwe sa tšona se bile le mopropfeta. Yo mongwe wa bona o be a le morutiši

le moprofeta yo mogolo, Bileama. Yo mongwe e be e le Moshe. Bjale Bileama o theoga go tšwa . . . go rogaka Israele.

<sup>33</sup> Gomme, hlokamelang, bobedi bja bona ba be ba le motheo go felela. Moprofeta, bamatheo go tšwa go Bileama, o rile, "Nkageleng dialetara tše šupago," yeo ke tlwa palo ya Modimo. "Gomme neela godimong ga aletara ye nngwe le ye nngwe sehlabelo sa go hlweka, powana," yeo tlwa sehlabelo sa go swana ba bilego le sona tlase ka kampeng ya Israele. Gomme o rile, "Godimo ga aletara ye nngwe le ye nngwe gape o neele kgapa," a bolela ka go tla ga Kriste. Gomme tlase ka Israele ba neetše sehlabelo sa go swana.

<sup>34</sup> Dialetara tša go swana, Modimo wa go swana, eupša ye nngwe ya tšona e be e le phošo gomme ye nngwe e be e nepile. Gomme bjale tsela e nnoši o bego o ka kgona go bolela gore ke mang. . . Ge go etla, motheong, go Lentšu, bobedi bja bona ba be ba rereša. Eupša, le a bona, o tee, maikemišetšo a gagwe a be a fošagetše, o be a leka go ripa ngwanabo go tloga mothalong wa tshepišo ye Modimo a mo filego yona.

<sup>35</sup> Selo se sengwe, yena, moprofeta wa Bileama, o be a le motheo, eupša moprofeta Moshe o ile a amanywa ka dimelo tša Modimo. Fao go be go le Pilara ya Mollo, Seetša sa kagodimogatlhago se lekeletše godimo ga bona. Gomme go be go le diphodišo tše kgolo ka kampeng ya bona, Modimo wa kagodimogatlhago a bontšha maswao a kagodimogatlhago. Gomme ba be ba dula tlwa le Lentšu la tshepišo leo Modimo a le filego Abraham morago mo nakong yeo bobedi ditšhaba di thomilego. Eupša, bjale, Moshe o bile le tshepišo ya Abraham, a eya nageng ya tshepišo. Bileama, gape le moprofeta wa Morena, a eme tlase kua. Gomme tsela e nnoši ye o ka kgonago go tsebatša, e sego go tšwa go thuto ya bona ya motheo, eupša ka semelo sa Modimo.

<sup>36</sup> Fao go be go le modumo wa mo—mo mokgoši wa segalontšu sa Kgoši tlase mo le Israele. Poelano e be e na le maatla, Sephente ya Mphiri, Leswika le le iteilwego. Gomme Modimo o be a na le bona, a itsebiša ka Boyena ka go Seetša sa kagodimogatlhago, le go fodiša malwetši a bona le malwetši ge ba be ba eya pele. Dimelo di netefaditše seo A bego a le sona, ba dula ka mothalong wa Lentšu la lebaka leo, la lebaka le ba bego ba phela ka go lona. Dimelo tša Modimo di itsebagatša ka Boyena le Moshe. Le a bona, dimelo tša Modimo di tsebagatšwa le Moshe. Pilara ya Mollo, poelano ka tiragalong, sa ka godimo ga tlhago, Leswika le le bethilwego, gomme ba . . . gape Sephente ya Mphiri, e bolela ka phodišo, gomme ka gona—ka gona gape ba be ba le mothalong wa mošomo, wa tshepišo ya Modimo.

<sup>37</sup> Gape, dimelo tša Modimo ga se tša tlhago. Semelo sa Modimo ke sa kagodimogatlhago, ka gore Ke Mohlodi. Ke Yena wa Kagodimogatlhago. Gomme ge semelo sa Modimo se thoma go

ipealatša sonamong, ga se tlwaelege go go gopola ga sebjalebjale gore e ba lahlela ka thoko ga mothalo. Ga ba kgone go Le kwešiša, efela ga A tsoge a tloga go tshepišo ya Gagwe. Modimo ka go mabaka ohle, ke boletše, o abile Lentšu.

<sup>38</sup> A re nong go tšea, mohlala, o motee. Go be go le Josefa, monna wa Maria. Gomme bjale o be a beeleditšwe go mohumagadi yo moswa yo, gomme ba be ba swanetše go nyalana. Eupša nako yeo pele ba etla mmogo, o hweditšwe a ne ngwana wa Moya wo Mokgethwa.

<sup>39</sup> Bjale, bohole re dumela seo, ge re le Bakriste. Re swanetše go dumela seo gore re be Mokriste. Yeo ke Beibe. O swanetše go dumela Lentšu le lengwe le le lengwe ka Beibeleng, go ba Mokriste. Bjale, gobane ge Moya wo Mokgethwa o le ka *fa*, O tla feleletša Lentsu le lengwe le le lengwe le tshepišo ye nngwe le ye nngwe ka “amene.”

<sup>40</sup> Gobane, bjale, Josefa o be a le motho wa moloki, o be a le monna wa go loka. Gomme ga go pelaelo gore Maria o be a mmoditše ketelo ya Gabariele, le ka fao gore o be a swanetše go apešwa ke moriti ke Moya wo Mokgethwa, gomme o be a swanetše go ima gomme a belege Morwa, gomme Leina la Gagwe le be le swanetše go bitšwa “Jesu,” ka fao a swanetšego go be a boditše seo go Josefa. Gomme Josefa o kgonne go lebelela ka go mahlo a gagwe a magolo a matsothwa, gomme o kgonne go bona go hloka molato ga ona, gomme o nyakile go dumela seo. O nyakile go e dumela ka pelo ya gagwe yohle, efela go be go se gwa tlwaelega kudu, gomme o be a nagana go mo tlogela, sephiring.

<sup>41</sup> Bjale, ge motho a hlokofetše ka go yona, Modimo o tla dira tsela tsoko go bontšha monna yola gore ke Therešo. O a tlemega, ge o hlokofetše. Ge o Le bona, gomme wa sepela go tloga go Lona, gona o swanetše go ahlolwa. Eupša, ge o hlokofetše gomme o bona Therešo!

Bjale, Josefa o be a no ba “go tshwenyega.” O rile, “Ga se gwa tlwaelega kudu!”

<sup>42</sup> Yeo ke tsela lehono, yeo batho, banna ba go loka, banna ba bakaone, banna ba semelo sa go loka, badiredi ba bakaone, bontši bja bona, baprista le go ya pele, ke banna ba go loka, eupša go hlatsetšwa ga kagodimogatlhago ga tshepišo ya letšatši le ga se gwa tlwaelega kudu, go ba lahlela kgole ga selekane sa bona. Se dira seo ka baka la gore se bonagatša semelo sa Modimo.

<sup>43</sup> Bjale, Josefa, monnamogatša wa gagwe, e le monna wa go loka, a sa nyake go mo dira mohlala wa phatlalatša. O be a sa kgone go e dumela; o—o lekile go dira. Eupša ge a be a sa nagana ka dilo tše, Morongwa wa Morena o boletše le yena le go mmotša.

<sup>44</sup> Bjale, ka mehla ga A swanelo go bolela ka torong, A ka kgona go utolla Boyena go wena ka Lentšu, le go go laetsa gore Le a rereša, ge o hlokofetše go lekanelo go lebelela ka go Lona le go

bona ge eba ke semelo sa Modimo seo se ipealatšago ka bosona, eupša ka mehla ka go kwano ye nngwe le ye nngwe le Lentšu le le tshepišitšwego.

<sup>45</sup> Gomme selo se sengwe, Lentšu la Modimo ka mehla le phošolla phošo. Le dumela seo? Lentšu le a e rarolla. Ge Modimo a hlatsela Lentšu leo, le a e rarolla.

<sup>46</sup> Bjale a re, feels yo motee ka monaganong wa ka ke tla rata go nagana. Re ka se tsee nako ye ntši kudu, gobane re nyaka go rapelela balwetši ba bangwe. A re boneng. Ge Jesu, a le Lentšu... Beibele e rile O be a le Lentšu. Bohle re dumelana le seo, gore O be a le Lentšu. Elang hloko ge A be a le mengwaga ye lesomepedi bogolo. Bjale, ga re ne rekoto ya Gagwe a eya sekolong. Eupša Mošemane yo monnyane wa bogolo bja mengwaga ye lesomepedi a ka ba bogodimo *bjo*, bona, motswadi wa Gagwe, Maria le Josefa ba ile godimo tempeleng go... godimo go... go rapela ka paseka. Gomme ge ba be ba sa le godimo kua, ba thomile go boela morago gae ka morago ga paseka, ba bile le leeto la matšatši a mararo, gomme ga se ba kgone go hwetša Jesu e ka ba kae. Gomme mafelelong ba Mo hweditše, ka morago ga matšatši a mararo a go Mo lebelela, ka tempeleng, a nganga Lentšu la Modimo le bagolo bale.

<sup>47</sup> Gomme theeletšang Maria bjale. Bjale go batho ba ba mo tšeago go ba modimogadi, lebelelang. Le a bona, mo—mo mosadi o forilwe mo mathomong. Gomme mo šetšeng fa. Ge le sa nka la e lemoga, šetšang se. O rile, “Tatago le nna re Go nyakile, ka meokgo.” Elang hloko, o sentše bopaki (pele ga baprista bale) *bjo* a pakilego ka bjona. O rile o be a “imile ka Moya wo Mokgethwa,” gomme so o biditše “Josefa” tate wa Gagwe.

<sup>48</sup> Bjale šetšang Mošemane yola wa bogolo bja mengwaga ye lesomepedi, a le Lentšu la iri yeo. O be a le Lentšu le le tshepišitšwego la iri yeo, Mesia yo a tloditšwego. Šetšang se A se boletšego, “A ga le tsebe gore Ke swanetše go ba modirong wa Tate wa Ka?” Lentšu le phošolla phošo. Le a bona, gomme wa Kagodimogatlhago, Ngwana wa mengwaga ye lesomepedi! Ga ke nagane gore Jesu o kwešišitše se A se boletšego, eupša O be a le Lentšu, gomme Lentšu le phošolla phošo. Le a bona, O phošolotše mme wa Gagwe, gomme o mo kgalemile ka go bolela bjalo. Bjale, ge nkabe e bile—bile tabeng ya tate wa Gagwe, A ka be a bile le tate wa Gagwe, ge Josefa a be a le tate wa Gagwe.

<sup>49</sup> Eupša, le a bona, yena a hlakahlakane gohle le go thanthshelwa, boka Efa a bile, le go huetšwa, gobaneng, o rile, “Tatago le nna re Go nyakile, ka meokgo.”

<sup>50</sup> O rile, “A ga o tsebe gore Ke swanetše go ba modirong wa Tate wa Ka?” Le bona ka fao Lentšu le phošollago, Le phošolla phošo.

<sup>51</sup> Sathane o dirile phošo ge a lekile go leka Jesu. Eupša O tlile morago le Lentšu la Gagwe Mong, gomme a mo fenya ka Lentšu.

<sup>52</sup> “Modimo,” Beibele e boletše mo, “dinakong tša kgale le ka mekgwa ya go fapano, o itsebagaditše ka Boyena go baprofeta ba Gagwe, O boletše le botate ka baprofeta.” Bjale, go bontšha semelo sa Gagwe sa go tsebagatša Yenamong, le a bona, go motho, O boletše le baprofeta. Baprofeta, dipono tša bona, di hlatsetše, e be e le—e be e le semelo sa Modimo se dirilwe go tsebjia ka pono ya mopropfeta.

<sup>53</sup> Bjale, ga go motho a ka kgonago go hhalosa pono, ga go tsela ya go e dira. Ke ya kagodimogatlhago. Ke se sengwe seo o bonago se se bilego, se se lego, le se se tla bago. Gomme yeo e be e le tsela ya Modimo, ya go romela monna yo a boletšego dilo tseo le go laetsa dilo tše di bego di tla tla go phethega (e sego feela bosegong bjo) bošego bjo bongwe le bjo bongwe, nako ye nngwe le ye nngwe. Se sengwe le se sengwe a se boletšego se be se swanetše go phethagala le Morena, se be se swanetše go ba Lentšu la Morena.

<sup>54</sup> Ka se, dimpho le dipitšo di ka ntle ga tshokologo. O ka se kgone go dira mahlo a gago a tsothwa ge a le bolou. O ka se kgone go itira ka bowena dikgato tše tshela ge o no ba dikgato tše nne. “Ke mang yo a nagannego a ka kgonago go oketsa khwipiti e tee go leemo la gagwe?” Rena re, bobedi, se re lego ka mogau wa Modimo.

<sup>55</sup> Bjale, dimpho le dipitšo ntle le tshokologo. Baprofeta ba ba tswetšwe e le baprofeta. Moshe o belegwe e le ngwana yo mokaone. Jesu o be a le Morwa wa Modimo, go tloga pele ga motheo wa lefase, kgopolu ya Modimo. Jeremia...-lesomepedi, mengwaga ye makgološupa le lesomepedi, ke a dumela e be e le, pele a tswalwa, o be a le segalontšu sa yo motee, aowa, ke kgopela tshwarelo ya lena, o be a beilwe mopropfeta go ditšhaba, gomme a—gomme a hlwekišwa ka popelong ya mmagwe gomme a hlomamišwa mopropfeta go setšhaba. Johane Mokolobetsi, se ke naganago ka sona, a le mengwaga ye makgološupa le lesomepedi pele a tswalwa. O be a le segalontšu sa yo a goelelago ka lešokeng.

<sup>56</sup> Le a bona, ke Modimo a bea. O romela motho, o tše Lentšu la lebaka leo. Eupša bjale pele o ka dumela Lentšu lela la lebaka lela, O itsibiša ka Boyena ka semelo sa Gagwe, le a bona, ka tsebo, ka pono. O boletše dilo tše di tla diregago, gomme sa direga. Gomme Modimo o rile, “Ge seo se direga, gona le a dumela o na le tlathollo ya Lentšu, gobane Lentšu la Morena le tla go monna yo.” Gomme ditshwanelego tša gagwe: o tsebagatšwa ka go ba mmoni, ka go Testamente ya Kgale. Feelas pepeneneng ka mo e kgonago go ba! Dimelo tša gagwe di a tsebagatšwa, di dirwa go tsebjia, baanegwa ba gagwe.

<sup>57</sup> Bjale, ke ka fao “Modimo a šomilego dinakong tša kgale,” Beibele e re, “ka mekgwa ya go fapano, O boletše le botate ka

baprofeta, eupša ka go matšatši a a mafelelo ka Jesu Kriste, Morwa wa Gagwe, O a bolela.”

<sup>58</sup> Bjale, Jesu o rile, ka go Johane 10:37, “Ge Ke sa dire mediro ya Tate wa Ka, gona le se Ntumeleng.”

Le a bona, ba rile, “O Motho, gomme o itira Modimo ka Bowena.”

<sup>59</sup> O rile, “Ge Ke sa dire mediro ya Tate wa Ka, gona se Ntumeleng.” Bjale O rile, “Johane o be a le seetša sa go taga le go phadima. Lena, ba bagolo, le rata go sepela seetšeng sa gagwe lebaka la sehla. Bjale Johane o rile, ‘Ke swanetše go ya ntle; O swanetše go phagama.’” O be a le Seetša sa lefase, gobane O be a le la go hlatsetšwa, Lentšu le le tsebagaditšwego le dirilwe nama. Le a bona, O be a le Modimo le rena.

<sup>60</sup> Baprofeta ba be ba le Modimo le bona. Jesu o boletše bjalo. O rile, “Ge le ba bitša ba Lentšu la Modimo le tlago go bona, ‘bomodimo,’ le ka Nkahlola bjang ge Ke re Ke nna Morwa wa Modimo?” Le a bona? Kafao moo Lentšu leo le boletšwego ke Modimo le hlatseditšwe, gona yoo ke Modimo a itsebiša ka Boyena ka semelo sa Gagwe, a phethagatša Lentšu la Gagwe. Ga le hloke tlathollo. Le šetše le hlatholotšwe, ka Bolona, le netefatša se Le lego sona.

<sup>61</sup> Go no swana le ge A rile, “A go be seetša,” gomme fao gwa ba seetša, ga wa swanelo go re, “Gabotse, seo se be se e ra eng?” Se ra feela, šele yona, seo se a e netefatša. E šetše e diragetše.

<sup>62</sup> Bjale Jesu o boletše gore, “Ge Ke sa dire mediro ya Tate wa Ka,” goba ka mantšu a mangwe, “ge Ke se na le semelo sa Tate wa Ka, le se ke la e dumela. Di tsebagatša semelo sa Ka, Yo Ke lego. Ge le sa kgone go Ntumela, gona dumelang boitsebišo bjo Modimo a bo filego. Ge le—ge le sa . . . Ge Ke sa dire, ge semelo sa Ka se sa tsebagatše maemo a Ka, gona le se dumele dittleleime tša Ka.” Le a bona? Le a e hwetša bošegong bjo? Ke ba bakae ba e kwešišago, phagamiša seatla sa gago. Le a bona? “Ge semelo sa Ka se sa tsebagatše Yo Ke tleleimago go ba,” go boletše Jesu, “gona le dumela . . . Ge le sa kgone go Ntumela, gobaneng, e no dumelang bo-bo—boitsebišo bja semelo seo Ke lego.”

<sup>63</sup> Johane 14:12, “Yo a dumelago” Jesu o rile “go Nna, mediro ye Ke e dirago o tla e dira le yena.” Bjale lebelelang, “Yo a dumelago go Nna,” modumedi wa therešo, “mediro ye Ke e dirago o tla e dira le yena.” Elang hloko. Ka mantšu a mangwe, ka mokgwa wo, “Yo a dumelago go Nna, o tla tsebagatšwa ka semelo sa Ka, mediro.” Bjale, seo ke se A se dirilego. O rile, “Ge Ke sa dire mediro ya Tate, gona le se Ntumeleng.” Gomme Tate o boletše le baprofeta, gomme seo e be e le semelo sa bona, boitsebišo. Ka fao go be go le bjalo ka Jesu. Gomme o e tshepišitše go yena yoo a dumelago, “Dimelo tša Ka di tla dira ka go yena feela bjalo ka ge di dirile ka go Nna. Gomme ge Ke sa dire mediro ya Tate wa Ka, gona le se ke la Ntumela. Eupša ge Ke dira mediro, gomme le ka

se kgone go Ntumela, gona dumelang mediro, gobane e boletšwe, e swanetše go ba.”

<sup>64</sup> O rile, “Phetlang Mangwalo, ka gore ka go Wona le nagana gore le na le Bophelo bjo Bosafelego, gomme Ke Wona a le botšago gore Ke nna Mang.” Yoo e be e le Jesu, le a bona, Modimo a bonagaditšwe, a ipontšha Yenamong. “A paka ke Nna Mang.” Seo se dira Bahebere 1:1 bjale, “Modimo nakong ya kgale o boletše ka baprofeta,” ka go hlaka a tsebagatša semelo bjale sa tsogo ya Morwa wa Gagwe. Modimo o boletše ka baprofeta nako yeo, ka Morwa wa Gagwe bjale. Modimo yo a sa fetogego, semelo se se swanago, “Mediro ye Ke e dirago, le tla e dira le lena.” Modimo, a tsebega ka semelo sa Gagwe se se tsebagaditšwego. Ke ka mokgwa wo o tsebago.

<sup>65</sup> O re, “Gabotse, ke go botša *se*, re opela *se*, re dira *se*, gomme re a dira.” Seo ga se se ke bolelago ka sona.

<sup>66</sup> Ke bolela ka Lentšu le dirilwe go bonagatšwa le go tsebagatša...ka lona, dimelo tša Lentšu le le tshepišitšwego go lebaka.

<sup>67</sup> Bona Bafarisei ba tsebile Beibele yela gabotse bjalo ka e ka ba mang, bokaonana go phala e ka ba ofe wa rena banna ba baruti re tsebago ya rena lehono. Ba be ba swanetše go phela ka Yona. Rakgolokhukhu-khukhu-khukhu wa bona e be e le baprista. Ba ithutile Yona, mosegar le bošego, gomme ba šitilwe go bona Lentšu lela le tsebagaditšwego.

<sup>68</sup> Lehono, Luther o rile, “Ge o dumela, o O hweditše.” Methodist e re, “Ge o goelela, o O hweditše.” Mapentecostal ba rile, “Ge o boletše ka maleme, o bile le Wona.” Re hwetša phošo yohle! Ba bangwe ba bona ba rile, “Kenywa ya Moya e O hweditše.” Gomme ke phošo! Bohlatse bo nnoši ke, ke ge go hlatselwa, ge Modimo ka Boyena a itsebiša ka Boyena ka go Lentšu le le tshepišitšwego la iri. Fao ke yona.

<sup>69</sup> Ke mang yo a bilego le dikenywa tše dintši tša Moya go feta bona baprista ba kgale ba go loka, ba boloditšego bana le go ba šegofatša, le se sengwe le se sengwe gape? Gomme fa mothaka yo Jesu o be a le, o tla go dikologa, a raga godimo dipoloko tša bona tša sehlabelo, a lebelela godimo ga bona ka pefelo, a ba itiela, ba ba kitimišetša ntle, go se boitsebišo bja selo. Lengwalo ke boitsebišo bja Gagwe! O be a se na karata ya kopanelo, O be a se wa mokgatlo. Eupša Modimo o boletše ka Yena, bjoo e be e le boitsebišo bja Gagwe!

<sup>70</sup> Bjoo ke boitsebišo bja mmapale bja Modimo ka go iri e ka ba efe, ke boitsebišo bja Gagwe. Seo ke se e lego sona, Mangwalo ao a tshepišitšwego, a dirwa go tsebja ka semelo sa tshepišo yeo e lego Modimo, gomme Modimo ke Lentšu. Gomme semelo sa tshepišo yeo se tsebagatšwa, seo se dira modumedi. Jesu o boletše bjalo, gomme seo se a e ruma. Amene.

<sup>71</sup> Elang hloko, bjale re a hwetša, dimelo di a Mo tsebagatša. “Ge . . .” O rile, “Ge se sa e dire, gona le se Ntumeleng.” Bjale, Jesu o boletše gore se tla Mo tsebagatša.

<sup>72</sup> Gomme bjale elelwang, gore ka matšatšing a, matšatši a a mafelelo, go boletše Bahebere 1:1, “Modimo, dinakong tša kgale le ka mekgwa ya go fapano, o boletše le botate ka baprofeta. Ka go letšatši le la mafelelo o boletše le rena ka Morwa wa Gagwe, Jesu Kriste.” Le a bona? Boitsebišo bja Modimo ka Boyena bo bonagatšwa ka mokgwa wo o swanago le ge A dirile nakong ya pele, a šomiša semelo sa Gagwe se se swanago. Amene. Hlokamelang Bahebere 13:8, e re, “O a swana maabane (dinakong tša kgale), lehono, le go ya go ile!” Mokgwa wa Gagwe wa go swana, tsela ya Gagwe ya go swana, semelo sa Gagwe sa go swana, se sengwe le se sengwe se a swana! Modimo, Modimo mosefetoge ga a kgone go tloga go semelo seo go feta ka fao A tlogago go tšwa go taelo ya Gagwe. Seo ke se A lego sona, Yena ke Lentšu. Yena ke Lentšu la iri. Yena ke Lentšu. Ge A hlotsé lefase, leo e be e le Lentšu. Ge A hlola motho, leo e be e le Lentšu, dikgopololo tša Gagwe. Ge A hlola Kriste, yoo e be e le Modimo, Imanuele. Gomme ge A Mo dirile Mophološi, tseo e be e le ditholana kgopololo tša Gagwe. Ge A Mo dirile Mofodiši, tseo e be e le ditholana kgopololo tša Gagwe. Le a bona? Ke Lentšu ka mehla le tsebagatšwa, Lentšu le le tsebagaditšwego ka semelo sa Modimo. Elang hloko mokgwa, Yena ka mehla, Yena ga a tsoge a fetoga.

<sup>73</sup> Lebelelang banna ba bararo ba ba tliego go Abraham, ba dutše ka mojako wa gagwe wa tente letšatši leo. Re tla mo lebelela kua metsotso e se mekae. O be a tlie, o be a biditšwe go tšwa nageng ya Kaladea, Bakaladea, le toropokgolo ya Ure. O be a ntšheditšwe ka ntle ga toropokgolo ya gagwe, ke ditaelo tša Modimo, gore o ikarogantše yenamong go tloga go gosedumele gohle. Seo ke semelo sa mathomo sa Modimo, go ikaroganya ka bowena go tšwa go gosedumele, ge A bitša monna!

<sup>74</sup> Gomme O mo fa se sengwe ka go felela, go se kgonege ka go felela go monagano wa tlhago, go se dumela. O rile, “Abraham, wa gago . . .” O be a le bogolo bja mengwaga ye masomešupa tlhano, gomme Sarah o be a le masometshela tlhano. Bona, yoo e be e le kgaetšedi wa gagwe wa seripa, ba phetše mmogo mengwaga ye yohle go se bana. O rile, “Ke ya go go fa morwa ka Sarah, gomme o tla, ka yena, ke tla go dira tatago ditšhaba tše ntši.” Bjale, o e dumetše.

<sup>75</sup> Nako ya feta, ga go phetogo ka go Sarah. Le a bona? O be a fetile lebak, o—o be a fetile menophose. Masometshela tlhano, o be a šetše a fetile nako yeo. Abraham, masomešupa tlhano, mmele wa gagwe o be o lokile bjalo ka mohu. Popelo ya gagwe e be e lokile bjalo ka mohu. Eupša Abraham ga se a ke a tekateka go tshepišo ya Modimo, ka go se dumele. O tšwetšepele a dumela, gobane Modimo o e boletše, gomme a kgodišitšwe, “Ge Modimo

a e boletše, dimelo tša Gagwe di tla tšweletša se A se boletšego!” Bjale, re swanetše go ba bana ba Abraham, Peu ya Abraham! Go, go, mengwaga ye masomepedi tlhano e fedile. Ga go phapano ka go Sarah, ga go selo, feela o be a le yo mokgekolwana, a inametše fase, gomme yena le yena. Eupša Abraham o sa e dumela.

<sup>76</sup> Gomme letšatši le lengwe, ge Modimo a bone gore mohlanka wa Gagwe o be a ikemišeditše go ba mohlala go batho ba lehono, gomme ka yena O be a eya go šegofatša ditšhaba, mosong wo mongwe wa go fiša e ka ba ka iri ya lesometee, banna ba bararo ba tla ba sepelela godimo go yena. Ba boletše le yena. Gomme o ba laleditše ka gare go dula fase. Go be go le se sengwe ka bona seo se bonagetšego go fapano le motho. Dilo tša semoya di kwešišwa ke dilo tša semoya. Elang hloko, gomme ba tla godimo le go dula fase. Abraham o ba lebeletše godimo, o rile, “Morena wa ka.” O swanetše go dira eng?

<sup>77</sup> Ba babedi ba bona ba ile tlase le go rera ka Sodoma, e lego bopaki bja sebjalebjale lehono. Magoro a lena a mararo ſeao: Sodoma, le kereke tlase ka Sodoma, Abraham Mokgethiwa ga a gona ka Sodoma. Batseta ba babedi, Billy Graham wa sebjalebjale le... Elelwang, go batseta bohle go kereke, ga se gwa ke gwa tsoge gwa ba monna a kilego a ya ntle ka go kereke yela ya mehleng ntle kua, o fetša leina la gagwe ka h-a-m, pele. Go bile Finney, Sankey, Knox, Calvin, le go ya pele, Billy Sunday, le se sengwe le se sengwe gape, eupša e sego G-r-a-h-a-m, goba e ka ba mang a felelagoo ka h-a-m, e rago “tatago ditšhaba.” Sole o ile tlase fale, a rera. Lebelelang iri! Baitirabadumedi ſeba, basedumele, le badumedi. Banna ba bararo ba ba tlide. Ba babedi ba bona ba ile tlase ka toropongkgolo, Billy Graham wa sebjalebjale le Oral Roberts tlase magareng ga batho, ba rera. Peakanyo, Jesu o boletše ka yona.

<sup>78</sup> Elang hloko, Bakgethiwa ba be ba etla pele...ba dutše ka ntle godimo fa, Abraham le sehlopha sa gagwe. Gomme ge Monna yo a dutšego le Abraham, Mo hlokomele, O pealaditše semelo sa Modimo, ka gore O rile, “Sarah o kae?” Leina la gagwe e be e le Sarai, letšatši pele; bjale ke Sarah, S-a-r-a-h. O rile “Abraham,” e sego Abram, “Abraham, mosadimogatša wa gago o kae, Sarah?”

O rile, “O ka tenteng ka morago ga Gago.”

<sup>79</sup> O rile, “Ke ya go go etela.” Ka gona Abraham o theeditše polelo yeo. “Ke ya go go etela go ya ka nako ya bophelo.”

<sup>80</sup> Gomme Sarah o segile, bjalo ka ge go bile, godimo ga matsogo a hempe ya gagwe, go yenamong, gomme o rile, “Nna ke tšofetše, le morena wa ka o tšofetše, gore re tla ba le boipshino gape boka masogana le makgarebe? Go ya ka—go ya ka tswalano ya motho, mohlomongwe, o fetile mengwaga ye mentši. Nna?” O segile.

<sup>81</sup> Gomme Monna, a lebeletše Abraham, Sarah ka tenteng ka morago ga Gagwe, o rile, “Gobaneng Sarah a segile, a bolela tše, ‘Dilo tše di ka ba bjang?’” O itsebagaditše Yenamong.

<sup>82</sup> Gomme Abraham o Mmiditše “Elohim.” Bjale, yo mongwe le yo mongwe wa lena babadi ba Beibele le tseba seo. Elohim, Modimo, Yena molekanelamoka, le a bona, o tsebagaditšwe ka mmeleng wa motho yo a bego a eja nama ya namane, a enwa maswi go tšwa kgomong, le go ja borotho le potoro. Elohim o tsebišitše dimelo tša Modimo, gomme Abraham a Mmitša “Modimo.” Eng? O ile a tsebagatšwa, Elohim!

<sup>83</sup> Jesu o rile, ka go Luka, tema ya 17, ge ka matšatšing a mafelelo (Modimo dinakong tša kgale a bolela ka baprofeta, mo matšatšing a mafelelo ka Morwa wa Gagwe), bjale šetšang, O rile, “Mo nakong ge Morwa wa motho a utollwa.” Šetšang, “go utollwa,” go dirwa go tsebja mo matšatšing a a mafelelo pele ga nako ya bofelo, ge Morwa wa motho a utollwa, peakanyo ye ya Sodoma e tla bowa gape. “Bjalo ka ge go bile ka matšatšing a Sodoma, go tla ba bjalo ka go tleng ga Morwa wa motho, ge A utollwa, a dirwa go tsebja go Kereke, go Bakgethiwa (e sego go Sodoma goba Basodoma, goba bona tlase ka Sodoma), go Bakgethiwa.” Abraham o be a le Mokgethiwa. Gomme Peu ya bogoši ya Abraham ke badumedi, ka Kriste Jesu Lentšu, gomme ke Bakgethiwa. Gomme ge Morwa wa motho a utollwa, gore peakanyo e tla ba gape.

<sup>84</sup> Lebelelang lefase lehono. Ge e se Sodoma le Gomora ya go tlwaelega, ga se ka ke ka bona e tee. Sodoma le Gomora! Lebelelang kereke, boka Loto a dutše fale gomme a no nyamiša soulo ya gagwe ya go loka bjalo ka ge a bone dibe tša Sodoma. Bontši modiredi a dutše ka go wa gagwe... Monna yo mokaone a dutšego ka go ithuteng ga gagwe, a hwetša godimo sehlogo sa gagwe le go ya pele, a lebelela ntle mokgotheng le go bona basadi ba apere dišothi, le maitshwarohlephi le dilo, le dilo di eya pele ka mokgwa woo, a ka se bolele selo ka yona, mokgatlo wa gagwe o tla mmea ntle. Loto o be a se na le sebete go emela godimo Seo se bego se lokile, go bjalo le Sodoma le Gomora ya sebjalebjale lehono.

<sup>85</sup> Eupša go na le ba bangwe ba bao ba lego ka ntle ga Sodoma, ba ba tswetšwego ntle kua, e sego ka thato ya motho, eupša ka thato ya Modimo le Peu ya Modimo. Šetšang boitsebišo fao, e sego feela go rera, eupša leswao le tsebagaditše Lentšu la Modimo le dirilwe nama ka go motho. Peakanyo e bowa morago feela bjalo ka ge e bile, gomme ke tlwa letšatši leo. Se sengwe le se sengwe se phethagetše, se sengwe le se sengwe se dutše thwi ka mothalong. Ke duma ge nkabe re na le nako go tšwelapele ka yona metsotsso e se mekae, eupša ga re nayo, kafao re tla hlaganelo. Peakanyo e swanetše go beelwagape gape ka matšatšing a mafelelo.

<sup>86</sup> Bjale, Bahebере 10:1, "Modimo, mehleng ya kgale, ka baprofeta, o itsebagaditše Yenamong. Gomme ka matšatšing a mafelelo o itsebagaditše Yenamong ka Morwa," go Mo dira Bahebере 13:8, "wa go swana maabane, lehono, le go ya go ile."

<sup>87</sup> Elang hloko, Modimo, nakong ya kgale, o boletše le Moshe. Gomme bjale, gomme elelwang, O itsebagaditše Yenamong ka Seetša, Pilara ya Mollo ka sethokgweng se se tukago. Ké ka mokgwa wo A e dirilego dinakong tša kgale. Gomme O boletše le Moshe. Gomme Seetša sela, Se dirile eng? Se tšweleditše semelo sa Modimo, Se boletše Lentšu, "Ke kwele metsetelo ya batho ba Ka tlase ka Egepeta. Ke bone metsetlo ya bona le go kwa dillo tša bona, gomme ke elelwa Lentšu la Ka. Ke tla tla fase, Pilara ya Mollo, Seetša, go ya go hlakodiša batho. Ke a go roma, Moshe."

<sup>88</sup> Šetšang dimelo tša Modimo. A topa lerole la go tlala seatla gomme a le lahlela ka moyeng, gomme la fetoga matsetse. Semelo sa Mohlodi Modimo se be se le ka go Moshe.

<sup>89</sup> Gomme Moshe o boletše, ka go Doiteronomio 18:15, gomme o rile, "Morena Modimo wa lena o tla tsoša Moprefeta wa go swana le nna." Bjale hlokamelang, leo ke Lentšu gape, semelo. Modimo a bolela ka Moshe, a ba botša gore Morena o tla tsoša Yena wa go swana le yena. Bjale elang hloko ka fao dimelo tša Jesu di Mo tsebišitšego go ba Lentšu le le tshepišitšwego. Ge Moshe a rile e tla ba, semelo sa Jesu se e tsebišitše. Elang hloko bjale, "Morena Modimo wa lena," yoo ke Modimo, yoo ke Lentšu, "o tla tsoša Moprefeta wa go swana le nna. Mang kapa mang a ka se dumelego Moprefeta yola, o tla kgaolwa go tloga magareng ga batho." Bjale šetšang, ge Jesu a etla, gona ke mohuta ofe wa semelo A swanetšego go ba le sona? Le a bona, elang hloko bjale Lentšu le le tshepišitšwego, O be a tshepišitšwe go ba Moprefeta wa go swana le Moshe.

<sup>90</sup> Bjale, ba bile le mehuta yohle ya barutiši, mehuta yohle ya borabi. Ba be ba se ba ke ba ba le moperfeta lebaka la makgolonne a mengwaga, ge e sa le—ge e sa le go tloga ka Maleaki, gomme bjale gateetee mo go tla Monna go lefelotiragalo.

<sup>91</sup> Bjale, go be go le motheahlapi, ba babedi ba bona, barwa ba monna, gomme yo mongwe wa bona, leina la gagwe e be e le Andrea, gomme yo mongwe leina la gagwe e be e le Simone. Ba be ba boditswe ke tatagobona gore ba ka šetša bjang mo matšatšing; go bile le dilo tše dintši tša maaka di tsogilego. Mokgalabje... Ke badile puku ye nnyane nako ye nngwe, moo, e ka no ba e be e le kgonthe, ga ke tsebe, gore o rile, "Barwa, bjale feela pele ga go tla ga Mesia, bjalo ka ge bohole re go lebeletše, go tla ba nako moo go tla bago mehuta yohle ya dilo di direga. Eupša ka tsela ye le tla tsebago Mesia yo, O tla ba go ya ka Lengwalo. O tla ba Moprefeta, gobane Lentšu la Modimo le rile Yena ke Moprefeta."

<sup>92</sup> Andrea o kwele Johane. Gabotse, selo se nnoši Johane a bego a se dira, e be e no ba go profeta. Le a tseba, Jesu o rile, “Le sepetše ka seetšeng sa Johane, eupša ke na le Seetša se segologolo go feta Johane. Ke na le boitsebišo bjo bogologolo go feta Johane, ka gore, mediro ye Tate a Mphago go e dira, e paka ka Nna.” Johane o nno rera, o nno bula madibogo, o be a sa dire mehlolo goba dimelo e ka ba dife tša Modimo bakeng sa tshepišo. Eupša mo go tla Jesu ka semelo seo!

<sup>93</sup> Simone o ile ntle go Mo kwa letšatši le lengwe, gomme ka pela ge... Simone mohlomongwe o ile ntle le Andrea. Andrea o be a tsenelane gohle mmogo. Eupša, Simone, ge a etla ka Bogeneng! Bjale theetšang, ge re tswalela. Ge a etla ka Bogeneng bja Jesu, Jesu o mo lebeletše, O rile, “Leina la gago ke Simone, gomme o morwa wa Jona.” Le a bona, semelo sa seo se bego se tshepišitšwe se tsebagaditšwe ka go Yena.

<sup>94</sup> Monna yola o be a sa kgone go saena leina la gagwe, Beibele e rile o be a le bobedi go se tsebe le go se rutege. Eupša e be e le boitsebišo bjo bo bjalo, gore ka pela o tlogetše gohle gosedumele ga gagwe, gomme o rile, “Yoo ke Mesia yoo re mo lebeletšego!” Go lokile, o Le dumetše.

<sup>95</sup> Go be go le yo motee a eme fale ka leina la Filipi, yo a kitimilego go dikologa toropokgolo, thaba, naga, e ka ba dimaele tše lesometlhano, gomme a hwetša mogwera, a tla morago letšatši le le latelago le yena, ka leina la Nathaniele. O mo hweditše ka tlase ga mohlare, a rapela. O rile, “Etla, bona Yo re mo hweditšego, Jesu wa Nasaretha, morwa wa Josefa.”

<sup>96</sup> O rile, “Bjale, bjale, bjale! A go ka ba le selo se itšego se sebotse go tšwa Nasaretha, go tšwa go sehlopha sela sa batho ba legoro la tlase fale?”

O rile, “Etla gomme o bone!”

<sup>97</sup> Yeo ke ye kaonekaone—yeo ke tshwayo ye kaonekaone motho a kgonnego go e dira. Le se dule gae gomme la swaswalatša. Etlang gomme le hwetše, phetlang Mangwalo! Etlang, le bone!

<sup>98</sup> Tseleng go dikologa, ba sepetše go dikologa, ba bolela ka se se bego se direga, ka fao a mmoditšego ka Simone a tsebišwa ke Yena, tatagwe le go ya pele.

<sup>99</sup> Ka gona ge a etla godimo ka mothalong, go ka no ba go bile mothalo wa thapelo, go ka no ba go bile ntle ka go batheeletši, ga ke tsebe. Eupša e ka ba kae a tlago, gomme Jesu o beile mahlo go yena lekga la mathomo, O rile, “Bonang Moisraele, yo ka go yena go sego bomenetša!”

O rile, “Rabi, O ntsebile neng?”

<sup>100</sup> O rile, “Pele Filipi a go bitša, ge o be o le ka tlase ga mohlare, Ke go bone.” Seo e be e le boitsebišo bja dimelo tša Modimo yo a tloditšwego.

<sup>101</sup> O rile, “Rabi, Wena o Morwa wa Modimo!” E be e le eng? Dimelo tša Gagwe di Mo tsebagaditše. O tsebile ka Lengwalo gore yola o be a le Monna yola a tloditšwego, Modimo a tloditšwe nameng. Modimo o be a le ka go Kriste, a boelanya lefase go Yena mong. O rile, “Rabi, Wena o Morwa wa Modimo. Wena o Kgoši ya Israele.”

<sup>102</sup> Jesu o rile, “Ka gore Ke boletše seo, o a Ntumela? O tla bona se segolwane go feta se.”

<sup>103</sup> Bjale, go be go le bao ba bego ba eme kgauswi, ba be ba sa dumele Leo. Ba rile, “Monna yo ke Beletsebubu, Ke mmolelelamahlatse.”

<sup>104</sup> Jesu o rile, “Ke le lebalela bakeng sa seo. Eupša ge Moya wo Mokgethwa o tlie go dira selo sa go swana, lentšu le tee kgahlanong le Wona le ka se tsoge la lebalelwa ka go lefase le goba go lefase le le tlago.”

<sup>105</sup> Le a bona, poelano e be e se ya dirwa nako yeo. Le a bona, go be go ka se kgone go ba, o ka se kgone go ba . . . O ka se kgone go lahlelwa heleng pele o etla kahlolong. Setšhaba se se ka se dire seo, Modimo le yena a ka se ke. Le a bona, o ka lefelong, o letile ka diketaneng tša kgolego go fihla o amogela kahlolo. Gomme, le a bona, O be a ka se kgone go ba romela kgole, gobane poelano e be e seso ya dirwa.

<sup>106</sup> Eupša ka morago ga lehu la Gagwe, poloko, gomme Seka se tlie pele go tšwa Mading, Moya wo Mokgethwa, gona, go bolela kgahlanong le Woo, ke sebe sa go se lebalelw. Feelalentšu le tee ke sohle o swanetšego go se bolela kgahlanong le Wona, gona ga go tsoge gwa ba le tshwarelo e ka ba kae. Lentšu le tee kgahlanong le Wona, le a bona, a selo se segolo e lego sona.

<sup>107</sup> Bjale, ka fao ka gona re hwetša gape, se se Mo tsebagaditše bjalo ka motlotšwa Mesia. Modimo ka go Kriste, Poelano ya matšatši a mafelelo, Kriste o dira poelano ya matšatši a mafelelo. Bjale, go Nathaniele, o—o—o Le dumetše le go Mo lemoga.

<sup>108</sup> Go ne mosadi yo monnyane o tla ntłe sedibeng nako ye nngwe godimo ka Sikara, toropokgolo ya—ya Samaria. Jesu o bile le tlhoko go feta fale ge A be a le tseleng ya Gagwe go theoga, thwi go theoga thaba go tloga Jerusalema, thwi ka Jeriko, eupša O ile go dikologa godimo ka Samaria. O rile O bile le “tlhoko go ya,” Tate o Mo hlahletše godimo kua. Ge A eya godimo kua, O romile barutiwa go tloga. Gomme a dula fase, a makala, ke a thanka, se e bego e le sona.

<sup>109</sup> Bjale elelwang, Mokgethwa Johane 5:19, Jesu o rile, “Ruri Ke re go lena, Morwa ga a kgone go dira selo ka go Yenamong, eupša se A bonago Tate a se dira.” Bjale elelwang, ga se nke A dira mohlolo o tee, e sego ge A o *kwele*, ge A “bone” wona. “Morwa ga a dire selo go fihla A bona Tate a se dira pele.”

<sup>110</sup> Le a bona, seo se laeditše se A bego a le sona, Moprefeta yola, Modimo Moprefeta. Go feta Moprefeta, O be a le Modimo! Tšohle tše baprofeta ba bego ba le tšona, di be di le ka go Yena, mmogo. Baprofeta ba be ba no ba le karolo ya Lentšu. O bile le Lentšu lohle, O be a le Lentšu ka bottlalo bja Lona. Eupša hlokamelang, “Modimo dinakong tša kgale o boletše ka mekgwa ya go fapana, ka dikarolo tše nnyane. Ka go letšatši le la mafelelo, bottlalo bja Lentšu bo tlie ka go Morwa wa Gagwe Kriste Jesu, Modimo a dirilwe nama magareng ga rena.”

<sup>111</sup> Mosadi yo monnyane yo, wa tumo ye mpe, re a mmitša, dinako tše dingwe, mmalegogwana. Mohlomongwe ngwana o be a ntšheditšwe mokgotheng. Dinako tše dingwe go swana le bjale, ga se go seleka ga baswa, ke go seleka ga batswadi, a nke mohumagadi yo monnyane a tšwele ntle le go dira ka mokgwa woo. Mohlomongwe mosadi yo monnyane yo mobotse, o sepeletše godimo fale go ga pakete ya meetse, e ka ba ka iri ya lesometee.

<sup>112</sup> Bjale elelwang, ge o kile wa ba ka bohlabela, ga se ba fetoga nthathana e tee, e sa no ba metlwae ya go swana. Basadi ba ya ntle, dikgarebe di ya pele sedibeng le go ga meetse a bona. Mmalegogwana goba tumo ye mpe a ka se kgone go ya le bona. Ba ka se hlakane mmogo.

<sup>113</sup> O be a swanetše go tšwela ntle ka morago ga ge bohole ba bona ba feditše. O tlie, mohlomongwe a lapile, mohlomongwe o be a na le lesogana le leswa lela, monnamogatša wa gagwe bošego bjoo. O tlie ntle, a ba le pitša ye ya meetse, o e beile fase. E bee, khwehla fase, go e theošetša fase, o kwele Monna a re, “Ntlišetše seno.”

<sup>114</sup> O lebeletše godimo gomme o bone Monna wa mengwaga ya magareng a eme fale, mohuta wa bopududu ditedung tša Gagwe. O be a le feela e ka ba mengwaga ye masometharo bogolo, eupša Beibele e rile O bonagetše masometlhano. “Wena o monna yo a sego ka godimo ga masometlhano a mengwaga ka bokgale, gomme O re o bone Abraham?”

<sup>115</sup> O rile, “Pele Abraham a eba, KE NNA.” Le a bona? Le a bona, ga se ba E kwešiša. O be a hlohlora tšona dinwamadi go tloga go Yena.

<sup>116</sup> Lehono re swanetše go kgopela le go fepeletša, le go phaphatha le go kgopela, le go phegelela le go tshepiša Bakriste, go tla kerekeng, “Ge ba etla kerekeng, re tla dira bjalo le bjalo.”

<sup>117</sup> Jesu, ge A be a le lefaseng, O bile le ba bantši kudu le Yena. O lebeletše go dikologa gomme o bone phuthego, O be a nyaka go ba tloša, O rile, “Ntle le ge le ka ja nama ya Morwa wa motho le go nwa Madi a Gagwe, ga le na Bophelo ka go lena.”

<sup>118</sup> A o ka kgona go eleletša ngaka a dutše ntle kua? “Gobaneng,” o rile, “Monna yo o nyaka re be senwamadi a batho. Go nwa Madi

a Gagwe? Ditšiebadimo! Lena batho bohle sepelang gomme le tlogele Monna yola wa go gafa a nnoši.” Ba sepetše.

<sup>119</sup> Ga se nke A E hlalosa. O be a se a swanelo go E hlalosa. O šikinya tumelo ya gago nako ye nngwe go bona se o tla se dirago. Gomme O dira selo sa go swana mo letšatšing le, ee, a nke go bonagale go le sepoko gannyane nthathana go wena, go bona moo o emego, ge eba ka kgontho o a dumela.

<sup>120</sup> Elelwang, bona . . . -rutiwa, ba beetšwepele ke Modimo, ga se ba tsoge ba šutha. Ba be ba sa kgone go E hlalosa, le bona, eupša ba be ba sa nyake go šutha. Ka gona O tla gape, O rile . . .

Phuthego yela yohle e sepetše, dikete.

<sup>121</sup> O rile go ba masomešupa ba dutšego fale, badiredi ba Gagwe A ilego a ba beela go ya ntle le go rera pele ga Gagwe, O rile, “Ke tla ba fa go šikinyega le go bona moo ba lego.” Kafao O rile, “Gabotse, le tla reng ge le bona Morwa wa motho a rotogela godimo ka Legodimong moo A tšwago?”

<sup>122</sup> “Morwa wa motho a rotogela ka Legodimong? Re thea dihlapi le Yena, re robala maribeng a noka le Yena. Re ja le Yena. Re bone legopo A tswaletšwego ka go lona. Re tseba mme wa Gagwe, bana Babo. Gomme Morwa yo wa motho a rotogela godimo moo A tšwago? O tšwa Nasaretha! Ye ke polelo ye thata.” Ba sepetše, le bona. Ba rile, “Ga re kgone go bona Se.” Le a bona? Go diregile eng? (Ga se ba tsoge ba šuthiša bona barutiwa. Ga se ba kgone go E hlaloša.) Bohle ba bona ba sepetše. Yena ga se nke a E hlalosa. O be a se a swanelo go dira.

<sup>123</sup> Lehono re na le dimela tša go bolaogofisa, di bitšwago Bakriste, yo mongwe o swanetše go peita le go pepetletša le tshegišo, “Gomme a le tla mpho kopanelo, a le tla dirišana, a le tla dira se?” Oo, lena sehlopha sa dimela tša bolaogofisa! Re hloka Bokriste tsoko bja mmapale, bo tswetšwego ke Moya wa Modimo. Gomme seo se ka se tšee tirišano, ga go selo gape, ga ba nyake selo.

<sup>124</sup> Jesu o retologile, a lebelela bona barutiwa, o rile, “A le tla sepela, le lena? A le nyaka go tloga, le lena?” O rile, “Ké kgethile lena ba lesomepedi, gomme yo mongwe wa lena ke diabolo. Gobaneng le sa ye, le lena?”

<sup>125</sup> Ka gona Petro o boletše mantšu ao a segopotšo, “Morena, re ka ya kae? Re fenyegile, re a tseba gore O Mothopo wo o tsebagaditšwego wa Bophelo. O na le Lentšu, gomme Le nnoši. Re kgodišegile.”

Mosadi yo monnyane yo a emego fale. O rile, “Ntlišetše seno.”

<sup>126</sup> A re, “Ga se setlwaedi, re na le kgethologanyo, ga re na le selo se se bjalo mo.”

<sup>127</sup> O mo dirile a tsebe thwi ka pela gore ga go na phapano magareng ga Mojuda goba e ka ba eng e bilego. O be a le Modimo.

O rile, “Sepela o hwetše monnamogatša wa gago gomme le tle fa.”

O rile, “Ga ke ne monnamogatša.”

<sup>128</sup> O rile, “O boletše therešo. O bile le ba bahlano, gomme yo o dulago le yena bjale ga se wa gago.”

<sup>129</sup> Bjale šetšang mosadi yola. Se sengwe se diregile, Peu yela ye nnyane e kgethetšwegopele tlase ka pelong ya gagwe!

<sup>130</sup> Ge A boletše Seo go Bafarisei bale, ba lebeleleng, ba nno fifatša se ba se boletšego. Ba ipoletše go ba Bakriste, ba ipoletše go ba balatedi, ba ipoletše go Mo rata. Eupša ge Therešo e tlide, E ile ya ba fifatša.

<sup>131</sup> Eupša ge Ye e etla, E tlišitše Bophelong, E tšeetše boso ntle gomme wa bo dira bošweu bjohle. O rile, “Moo . . .”

<sup>132</sup> O rile, “Mohlomphegi, ke a bona gore O Moprefeta. Bjale, ga se re be le o tee lebaka la mengwaga ye makgolonne.” Le a bona? “Ke a bona gore O Moprefeta. Bjale, re a tseba gore ge Mesia a etla, Boitsebišo bja gagwe e tla ba mohuta woo wa semelo, O tla re botša dilo tše.”

O rile, “Ke nna Yena yoo a bolelago le wena.”

<sup>133</sup> Gomme, godimo ga seo, a lahla pitša ya meetse, a ya ka toropongkgolo gomme a re, “Etlang, bonang Monna yo a mpoditšego dilo tše ke di dirilego. A se ga se sona semelo sa Mesia yo a tloditšwego yo e lego Lentšu, yo a tsebago megopoloye e lego ka pelong? A yo ga se Mesia?” Oo, nna!

<sup>134</sup> Lebelelang, mosadi ka taba ya madi, O ile a amanywa le yena, ka semelo sa Gagwe, gore O be a le Mesia. Mosadi ka taba ya madi o Mo tsebagaditše, Lentšu.

<sup>135</sup> Bahebere 4:12, Beibele e boletše gore, “Lentšu la Modimo ke le maatla go feta tšoša ya magalemabedi, le Mofenyeki wa dikgopoloye tše di lego ka pelong,” (Ke ba bakae ba tsebago seo?) “ka mogopolong.” Seo ke se Lentšu le lego sona. A le a dumela gore O be a le Lentšu? A le a dumela O a swana maabane, lehono, le go ya go ile? Uh-huh. Seo se a e ruma, ge o dumela Seo.

<sup>136</sup> Hlokamelang, mosadi yo monnyane yo o rile, “Ge nka no kgona go Mo kgwatha! Ga ke kgathale gore ba bolela gakaakang ka Yena. Ke a dumela gore O no ba se A rilego O be a le. Ge nka kgona go Mo kgwatha, ke tla dirwa go fola.” Kafao o ngwegile go kgabola le go Mo kgwatha. O ile morago ka go batheeletši.

Jesu o eme, gomme o rile, “Ke mang a Nkgwathilego?”

<sup>137</sup> Gomme Petro o lekile go Mo dira boka O be a le segafa, o rile, “Gobaneng, yo mongwe le yo mongwe! O se bolele dilo boka tše, gobaneng, ba ka se tsebe ba nagane eng ka Wena. Monna wa maemo a Gago, gomme ka gona a re, ‘Ke mang yo a Nkgwathilego?’ Yo mongwe le yo mongwe o a Go kgwatha.”

<sup>138</sup> A re, “Eupša ke a bona gore ke ba yo a fokolago, maatla a tlogile go Nna.” Ke be ke tseba gore se sengwe se diregile!

<sup>139</sup> Bjale lebelelang, lebelelang se se tlago, letšhogo le legolo le le latelago. O lebeletše tikologong go fihla A mo hweditše, gomme O mmoditše seemo sa gagwe, tumelo ya gagwe e mo pholosítše. O be a . . . O be a tsebagaditšwe bjalo ka Lentšu la Modimo, a tseba diphiri tša pelo. Oo, nna! Lentšu le hlatha mmele, le hlatha pelo.

<sup>140</sup> Bjale nakwana feela, go tswaleleng. Bjale, bjalo ka ge Bahebere 13:8 e le therešo, “O a swana maabane, lehono, le go ya go ile,” a le dumela Seo? Bjale ke tlogela bontši mo ke swanetšego go bolela. Gona, semelo sa Gagwe se tla Mo tsebagatša bjale ka go nako ye ya bjale, ge A swana maabane, lehono, le go ya go ile, feela boka A bile nako yela. A seo ke therešo? O se tshepišitše. Gomme, elelwang, semelo sa Gagwe ke boitsebišo bja Gagwe. Ke ba bakae ba e kwešišago, emiša seatla sa gago. Semelo sa Gagwe ke boitsebišo bja Gagwe.

<sup>141</sup> Boka bale ba bego ba etšwa Emause, bjalo ka ge ke bolela se. Jesu o be a bapotšwe. Bohle ba bona ba be ba nyamile. Ba be ba le ka lebitleng. Bjale ba rile, “Yo mongwe o tlide gomme a Mo utswa.” Letšatši le lengwe O sepeletše ntle ka dithokgweng tsoko gomme o sepetše mmogo le bona, ge A ile godimo ka Emause. Gomme ba re . . .

O rile, “Gobaneng le—gobaneng le nyamile bjalo?”

O rile, “Gabotse, O no ba mosetsebje mo.”

<sup>142</sup> Gomme ka gona ge A ba tlišitše ka gare, O dirile se sengwe feela boka A se dirile pele ga papolo ya Gagwe. E be e le semelo sa Gagwe sa go se dira ka tsela yeo. Gomme ka pela ba ile ba lemoga, ka semelo sa Gagwe, gore yoo e be e le Jesu yo a swanago yo a go bapolwa. Amene.

<sup>143</sup> Modimo o Mo tsošitše go tšwa bahung, gomme lehono semelo sa Gagwe, bjalo ka sona, go swana le ge go bile nako yeo! Le go bowa ga matšatši a Sodoma, bjalo ka ge Jesu a profetile, selo sa go swana ke go direga “ge Morwa a utollwa go batho.” Ke boitsebišo bja semelo sa Gagwe. Bahebere 4:14 le 15, “Yena bjale ke Moprista yo Mogolo wa rena yo a kgonago go kgwathwa ke maikutlo a mabofokodi a rena,” feela boka A bile nakong yela. A le dumela seo? Mabofokodi a rena a Mo kgwatha. Gabotse, ge e ka Mo kgwatha, O tla dira bjang ge A swana maabane, lehono, le go ya go ile? Semelo sa gagwe se tla swana. Nako yeo O tla dira mo o ka rego O dirile ge mosadi a kgwathile seaparo sa Gagwe. A le dumela seo? O dula a phela, ka mehla O a phela, gomme dimelo tša Gagwe di sa Mo tsebagatša lehono bjalo ka ge A bile nako yela. A o e dumela ka pelo ya gago yohle? Modimo, a tsebagaditšwe ka semelo sa Gagwe, se a Mo tsebagatša.

A re inamišeng dihlogo tša rena.

<sup>144</sup> Tate wa Legodimong, re no ba banna le basadi ba dutše fa bošegong bjo. Eupša rena, bjalo ka ge go bile, go swara Modimo ge re swara Lentšu. Gomme, Tate, ke tla boifa go leka go bolela se sengwe seo se bego se se ka fa. Ke tla boifa go leka go bea tlhathollo ya ka mong go Lona, gobane e ka no ba phošo. Gomme O rile, “Mang kapa mang a ka tlošago Lentšu le tee go tšwa go Lona, goba a oketša lentšu le tee go Lona, karolo ya gagwe e tla tlošwa go tšwa Pukung ya Bophelo.” Ke botse bofe bophelo bja ka bo tla bago gona nako yeo, Morena, ge ke dira selo se sebe boka seo? Kafao ke no Se bolela ka tsela ye Se lego.

<sup>145</sup> Gomme, Tate, O tshepišitše gore O tla Se tsebagatša. Ke a dumela gore O tsogile go tšwa bahung, mengwaga ye dikete tše pedi ya go feta, gomme o a phela bošegong bjo, o bitša batho ba bonolo feela bjalo ka ge ka mehla O dirile, yo motee *mo* le yo motee *mola*; go se dihlopha, go se mekgatlo, go se mekgwa ye megolo ya seo motho a se dirilego. Eupša O rile O tla tšeа batho go tšwa go Bantle, batho, “Ba babedi ka tšhemong; Ke tla tlogela yo motee, ka tšeа yo motee. Ba babedi malaong; Ke tla tlogela yo motee, ka tšeа yo motee,” batho mo le mola, bakeng sa Leina la Gago, Monyalwa.

<sup>146</sup> Ke a dumela gore semelo sa Gago se a Go tsebagatša. O tshepišitše, “Bjalo ka ge go bile ka matšatšing a Sodoma,” go tla ba bjalo ka letšatšing ge O be o utollwa, Lentšu. Lentšu ka Bolona, la iri ye, le swanetše go utolla Lentšu ka Bolona, go swana le ge Lentšu le tlie go baprofeta. Gomme, Tate, re bona Johane a eme mo lefaseng, gomme fao go be go le le—le Lentšu le a bego a le utolla. Gomme Beibele e rile, “Lentšu ka mehla le tla go mopropfeta.” Gomme Lentšu le be le le nama nako yeo, kafao Le sepeletše thwi ntle ka meetseng, go Johane. Lentšu le tlie go mopropfeta.

<sup>147</sup> Tate Modimo, etla bošegong bjo, ke a rapela, le go re thuša. Thuša gosedumele ga rena. Re swarele mafokoding a rena. Fodiša balwetši le batlaišwa. Lentšu le tee go tšwa go Wena, Morena, le tla ra bontši go feta e ka ba eng motho e ka ba ofe a ka e bolelag. Feela O a bolela, Tate, feela Lentšu le tee le tla ra bontši kudu. Bjale, O a swana maabane, lehono, le go ya go ile. Re neela borena go Wena bjale. Gomme re rapela gore ge re tloga le go ya magaeng a rena bošegong bjo, re tla bolela boka bale go tšwa Emause, ge ba Mmone a dira se sengwe go tsebagatša go bona gore O be a le Morena yo a tsogilego. Ga go kgathale ba boletše bontši gakaakang, “Ba utswitše mmele wa Gagwe, gomme—gomme ba dirile *se, sela*, goba se *sengwe*,” ba tsebile bonabeng gore O tsogile go tšwa bahung. A O ka se ke bošegong bjo go laetša Wenamong go phela go rena gape? Gomme bitša bao ka toropongkgolo ye botse ye le tikologo, ba ba beetšwego go ya Bophelong, go Wena. Ka gore re e kgopela Leineng la Jesu. Amene.

<sup>148</sup> Bjale, ke ya go le kgopela bjale lebaka la e ka ba metsotso ye lesometlhano. Re ya go no ba e ka ba metsotso ye lesome

thari. Ke ya go hlaganelā. Ke nyaka go bitša dikarata tša thapelo. Ke a dumela Billy... G, dikarata tša thapelo G, a ke seo ba se filwego? G, dikarata tša thapelo G, a re tšeeng tee go fihla ka lesometlhano goba masomepedi, se sengwe. G, tee. Ke ba bakae... Ke mang a bilego le G, nomoro tee, phagamiša seatla sa gago, bona ge eba e fa. [Ga go selo lefelong la theipi—Mor.] Gomme, elelwang, swarang dikarata tša lena tša thapelo, le tla rapelelwa. Ge le sa e hwetše bosegong bjo, re tla e hwetša. Tee, pedi, tharo, nne, tlhano, tshela, šupa, seswai, senyane, lesome, thwi godimo fa ka pela ka fao le ka kgonago, le go sepelela thwi godimo fa le go tsena mothalong. Go lokile. Tee, pedi, tharo, nne, tlhano, tshela, šupa. Tharo e a hlaela ka kua. Šupa, šupa, gomme tee, pedi, tharo... Ba bale, Roy, go nna. Go lokile, lesome. Go lokile, tee go fihla go lesome. Lesometlhano bjale, G, tee go fihla lesometlhano, yeo ke les... goba lesome, lesometee, lesomepedi, lesometharo, lesomenne, lesometlhano. Go lokile. A re—a re emeng fale, feela se. Go lokile.

<sup>149</sup> Bjale re—re leka go boloka lentšu la rena, le a bona, go tšwa ka senyane masometharo, eupša ga re ye go e dira bosegong bjo, ke—ke—ke a tseba. Eupša bjale ke nyaka yo mongwe le yo mongwe go fa šedi ya go se arogane.

<sup>150</sup> Bjale, ge ke boletše Therešo le go le botša gore dilo tše di swanetše go ba, gomme še yona ka Beibeleng, gore ye ke iri. O ka no ba o rutilwe ka go sekolo se sengwe. Go bile bjalo ka Bafarisei. Eupša Beibebe e rile, ka letšatšing leo, “Kgarebe e tla ima,” O... O dirile. O rile dimelo tša Mesia di tla ba *bjalo*. Go bile bjalo. Eupša ga se ba Le dumela. Seo ga se sa ke sa Mo emiša go tloga go ya thwi pele go no swana. Go swana le ge go le bjale. Re phela ka diiring tša mafelelo tša letšatši la mafelelo.

<sup>151</sup> Saense e re ke metsotsø ye meraro go fihla bosegogare. Ke a nagana go thari go feta seo bjale, bontši nako efe kapa efe. Bokomonisi bo hlagaditše naga, gomme bareri ba ile ka morago ga bokomonisi sebakeng sa Kriste. Go no lebega o ka re go ya ntle go leka go ahlola seo, gobaneng re sa bone iri ye re phelago ka go yona? Bokomonisi, ga re na le... Nna, nna! Ga ke boife bokomonisi. Ke go Tla ga Morena go ya go go swara o sa ikemišetša, ke se go lego, go kereke. Bjale a nke yo mongwe le yo mongwe, a nke Amerika yohle e retologele go Modimo, gomme šetšang se se diregago go bokomonisi. O swanetše go hwetša bolwetši, gomme morago wa hwetša kalafi.

<sup>152</sup> Bjale, yo mongwe le yo mongwe tlhomphokgolo, hle le se sepele tikologong. Bjale, ke ba bakae ntle fale bao ba se nago karata ya thapelo, gomme o nyaka Modimo go go fodiša? E no phagamiša seatla sa gago, e re, “Ke—ke—ke—ke a dumela.” Ga go kgathale moo o lego.

<sup>153</sup> Bjale lebelelang, ke a nagana *se* se a phela, [Ngwanešu Branham o kokota le go budulela ka go segodišantšu—Mor.] *se*.

Go lokile. Ge o na le . . . A o kgona go nkwa morago mo? Go lokile. Go lokile. Bjale e šetše, Ngwanešu Roy.

<sup>154</sup> Bjale, Lentšu le tee go tšwa go Modimo le tla ra bontši go feta tšohle nka go di bolela.

<sup>155</sup> Bjale, go lebeleleng go tšwa mo, go bothata, se—se ka mehla se be se le. Le a bona, dietša di thwi ka sefahlegong sa gago, gomme go mohuta wo mothata go bona ntle kua go bona batho.

<sup>156</sup> Gomme ga ke tsebe. Ga ke kgone go bona motho yo motee, gabotse, yo ke kgonago go mmona bjale yo ke mo tsebago. Ke ba bakae ba lena le lego basetsebje go nna, emišetša seatla sa gago godimo, o tseba gore ga ke tsebe selo ka wena. Ke a thanka go mogohle. Ke ba bakae ka mothalong wa thapelo ba tsebago ga ke tsebe selo ka lena? Phagamišang diatla tša lena. Bohle go bapela le mothalo wa thapelo kua, ge le kgona go nkwa, emišetšang diatla tša lena godimo ge—ge ke le mosetsebje. Yo mongwe le yo mongwe.

<sup>157</sup> Bjale Yena ke eng? Yena ke Moprista yo Mogolo yoo a kgonago go kgwathwa ke maikutlo a mabofokodi a rena. Mosadi yola yo a kgwathilego seaparo sa Gagwe, a ka no ba a be a se a ba le karata ya thapelo, le yena, eupša o Mo kgwathile gomme, ge a dirile, se sengwe se diregile. Bjale o kgwatha tsela ya go swana, Mo kgwathe. Ke ba bakae ba tsebago gore Bahebere, tema ya 4, e re, “Bjale Yena ke Moprista yo Mogolo yoo a kgonago go kgwathwa ke maikutlo a mabofokodi a rena”? Ke ba bakae ba e tsebago? Gabotse, a A ka pealatša semelo sa Gagwe sa go swana? Ge A swana maabane, lehono, le go ya go ile, O tla dira. Go lokile. Bjale, a ye ke . . .

<sup>158</sup> Ngwanešu Pearry, o di tliša go nna bjale. Bjale ke nyaka yo mongwe le yo mongwe go ba tlhomphokgolo ka kgonthe. Thwi fa, feela thwi fa, kgaetšedi.

Bjale, a le kgona go nkwa? Bjale, ga ke tsebe. Le šetše e ka ba mang a lego go ra—ra raentšeneere fale, gobane ga ke tsebe bjang.

<sup>159</sup> Pono. Bjale, elelwang, ga ke Mesia, ga ke Kriste. Eupša O mo. Seo ke se ke lekago go le dira le se bone, O mo, O boloka Lentšu la Gagwe.

<sup>160</sup> Bjale, ge mosadi yo a babja, ga ke tsebe. Ga ke mo tsebe. Ke yo mogologolo go mpheta. Ka kgonagalo re belegwe mengwaga go arogana, le dimaele go arogana, ye ke nako ya rena ya mathomo re kopanago.

<sup>161</sup> Bjale, seo se no ba boka Morena wa rena a kopane le mosadi, ka go Mokgethwa Johane 4. Ke leka go e dira go hlaka kudu o ka se tlogele go e bona, gona, mo Setulong sa Kahlolo, ga go ne madi diatleng tša ka mo letšatšing leo. Bjale, Jesu o tshepišitše gore mo matšatšing a mafelelo se se tla direga gape. Ge re eya go kgabola beke, le tla hwetša. Ke tshepišo.

<sup>162</sup> Bjale, ga ke tsebe mohumagadi, yo ke monna le mosadi ba kopana lekga la mathomo. Bjale, ge Morena Jesu a ka nkutollela seo o lego fa bakeng sa sona, goba yo mongwe gape, goba se o se dirago, goba se e lego phošo ka wena, goba se o se dirilego, ge e le ditšelete, tša gae, e ka ba eng e lego, e tla swanelo go tšwa go Maatla a mangwe a kagodimogatlhago, gobane ga ke go tsebe. Ke ba bakae ba tla hlatselago seo, se swanetše go tla ka Maatla a kagodimogatlhago? Bjale, o ka bapala boka Mofarisei, wa re ke . . . (Go dikologa lehlakore le lengwe, Ngwanešu Roy, o a bona.) O ka bapala boka Bafarisei, gomme wa re, “Ke moyo wo mobe,” se bontši ba se dirago. Seo se gare ga gago le Modimo, gona. Gona o ne moputso wa bona. Eupša ge o re, “Ke wa Modimo,” gona o ne moputso wa Gagwe. (Bjale, seo se kaone. Ke a leboga.)

<sup>163</sup> Bjale e nong go ntebelela motsotso feela. Bjalo ka ge Jesu a rile . . . Bjalo ka ge Petro le Johane ba fetile go kgabola kgoro ye e bitšwago ye Botse, ba rile, “Ntebelele.” Ga—ga ke go tsebe. Gomme bjale ge Moya wo Mokgethwa, yo Mongwe ntle le nna, a ka tla le go utolla se se lego ka pelong ya gago, gona Beibele e rile, “Lentšu la Modimo ke le bogalegale go feta tšoša ya magalemabedi, Mofenyeki wa dikgopololo, maikemišetšo a pelo.” Seo ke tlwa se Beibele e se bolelago. Bjale, seo se utolla gona sephiri sa pelo. Bjale, seo e tla ba semelo sa Modimo, Lentšu le dirilwe go bonagala mo letšatšing le. Ke ba bakae ba dumelago seo bjale? Go lokile. Uh-huh. Bjale le bona se e lego?

<sup>164</sup> Bjale ke e rerile, ke le boditše ka yona, eupša a ke therešo? Seo ke selo sa go latela, le a bona. Bjale, ge e le therešo, yo mongwe le yo mongwe wa lena . . . Ge e se therešo, o tla e tseba. Nnete, o tla e tseba. O tla e tseba, le wena. Eupša ge e se therešo, gona ke—ke—ke hlatseditše phošo ka Kriste. Ge e le therešo, yo mongwe le yo mongwe wa lena o swanetše go neela dipelo tša lena go Yena, o swanetše go Mo dumela ka pelo ya gago yohle, le go obeletša godimo le go Mo amogela bakeng sa e ka ba eng o e hlokago. Yeo ke therešo.

<sup>165</sup> Bjale a nke Moya wo Mokgethwa o itsebiše ka Boyena ka Leina la Jesu Kriste. Bjale, ga ke na le lesedi gore o fao bakeng sa eng. O no lebega boka wa go lebega botse, mosadi boka mme a eme kua, gomme ke sohle ke se tsebago ka wena. Eupša Moya wo Mokgethwa o ka kgona go utolla se o lego mo bakeng sa sona, se bothata bja gago e lego, goba se sengwe. O tla tseba ge eba ke therešo goba aowa. Bjale, wena o, se e lego sona o nyakago thapelo bakeng sa sona, ke se sengwe boka digoba mo sefahlegong sa gago. Ke thutomegalatšhika, go swana le, ka sefahlegong sa gago. Bjale, ge seo e le therešo, emišetša seatla sa gago godimo. A o a dumela?

Bjale, bjale le ka no re, “O no thankha seo.”

<sup>166</sup> Bjale, ke motho yo mokaone. Bjale, e no lebelela mo motsotso feela, kgaetšedi. Ga ke tsebe se A go boditšego. Eupša e ka ba

eng e bilego, e be e le therešo. O—o hlatse ya seo bjale, a ga o? [Kgaetšedi o re, "Yeo ke nnete."—Mor.] Yeo ke nnete. ["Lebaka la mengwaga ye masomepedi."] Nna! O a dumela gore Modimo o tla go fodiša bakeng sa seo? Bjale, le a tseba Ke Bogona bja Gagwe, go na le Sengwe mo se se go tsebago, Sengwe. Boka Jesu a boletše go mosadi, O tsebile moo bothata bja gagwe bo bego bo le gona, bjale O tsebile moo bothata bja gago bo bego bo le gona.

<sup>167</sup> Gomme go bonala o ka re o rwele morwalo bakeng sa yo mongwe gape. Ke wa gago . . . Ke monna, ke monnamogatša wa gago. O mo, le yena. Yeo ke nnete. Gomme—gomme o a dumela gore Modimo a ka kgona go utolla bothata bja monnamogatša wa gago go nna? [Kgaetšedi o re, "Ee, ke a dira."—Mor.] Ke monna wa go babja ka kgonthe, o na le dithlhakahlakano. Selo se tee seo se mo tshwenyago, ke bothata bja pelo. O ne bothata bja pelo. Ge seo e le nnete, phagamiša seatla sa gago. ["Yeo ke nnete."] Gape o na le go tsupuga. ["Yeo ke nnete."] Yeo ke nnete. Le a bona? Yeo ke nnete? Ya. Go tšhoga ka kgonthe, ya, go tšhoga ka kgonthe. Yeo ke therešo, a ga se yona? ["Ee."]

<sup>168</sup> Ge Jesu a ka nkutollela! O boditše Petro o be a le mang. Ge A ka nkutollela gore o mang, a o tla dumela ke Yena? [Kgaetšedi o re, "Ee."—Mor.] Ga o tšwa mo. ["Aowa."] O tšwa bohlabela bja mo, o tšwa Louisiana. ["Nnete."] Yeo ke nnete. Nnete. Gomme leina la gago ke Mdi. Coleman. ["Yeo ke nnete."] Boela gae, Jesu Kriste o go dira o loke. Tumelo ya gago e dira phodišo ya gago.

<sup>169</sup> Bjale dumelang. A le dumela ka pelo ya lena yohle? Jesu Kriste o itsebiša Yenamong ka go tsogo ya Gagwe! Le bona se ke se rago? Bjale, mang kapa mang yo a nago le monagano wa go itekanelo, o a tseba gore ga go motho yo a ka kgonago go dira seo.

<sup>170</sup> Bjale, lena ntle fao, le re go Modimo ka mokgwa wo, "Ke—ke—ke a tseba monna ga a ntsebe, kafao ke ya go rapelela se sengwe. Morena, a nka kgona go kgwatha kobo ya Gago? Ge e le, gona O itsebagaditše Wenamong ka tsogong ya Gago. Retologa, a nke ke Go kgwathe, gomme ka gona O bolela ka yena go nna." Bona se se diregago. E no e leka.

<sup>171</sup> O dira bjang, mohlomphegi? A o ka tla ka tsela ye feela kgauswana gannyane? Go na le batho morago ka morago ga gago fao, le a bona.

<sup>172</sup> Se sengwe le se sengwe bjale, ke wa gago wo mongwe le wo mongwe—wo mongwe le wo mongwe moyo, o no swana le morethetho. Le a e swara, le a bona, gape le tseba go nagana ga bona, gomme e a fihla, le a bona, le a hlakahlakana gohle.

<sup>173</sup> A o ntumela go ba mohlanka wa Gagwe? A o a dumela gore Kriste a ka nkutollela seo o lego fa bakeng sa sona? Elelwang, re ya go kopana Setulong sa Kahlolo letšatši le lengwe le go fa lebaka bakeng sa bošegong bjo. O lemoga seo? Bothata bja gago, bjo bongwe bja ona, bo ka mokokotlong wa gago. O ne mathata a mantši. O ne bothata bja mokokotlo. Gomme mahlo a gago

a ya, o na le bothata bja leihlo. Ge seo e le therešo, emišetša seatla sa gago godimo. Bjale, gape o dira se sengwe o nyakago go tloga go sona. A go lokile go mna go e bolela? O nyaka go tlogela go kgoga goo. Gomme—gomme selo se sengwe, o bile... o ikwela gore seo e bile selo se se go šitišago go amogela Moya wo Mokgethwa. Bjale o nyaka go amogela Moya wo Mokgethwa, yeo ke tlhogeloa ka pelong ya gago. Yeo ke nneta, šišinya diatla tša gago ka mokgwa *wo*. Gabotse, e go tlogetše bjale, sepela, amogela Moya wo Mokgethwa, gomme o fole. Modimo a go šegofatše, mohlomphegi.

<sup>174</sup> Le a dumela? Bjale hle ebang tlhomphokgolo ka kgonthe. Bjale re ba thari ka kgonthe, nno dulang go iketla feela nakwana.

<sup>175</sup> O dira bjang? Re basetsebane seng sa rena. [Kgaetšedi o re, “Ee.”—Mor.] Morena Jesu o a re tseba bobedi. Bjale o se ke wa boifa, o a bona, o mohuta wa... O a bona, go no iketla, ke Bogona bja Gagwe. O a bona, yeo ke yona. Ke Bogona bja Gagwe. Bjale o na le maikutlo a go se tlwaelege ka kgonthe, a go se tlwaelege, mohuta wa a mabose, maikutlo a go swana le a go kokobela. O a bona? Bjale, go ema ka bogoneng bja monna go ka se go dire o ikwele ka tsela yeo.

<sup>176</sup> Ke ba bakae ba kilego ba bona Seetša sela, Pilara yela ya Seetša, Mollo? E tšerwe thwi mo ka Texas, lekga la mathomo, lekga la bobedi. E lekeletše thwi hleng le mosadi, le a bona, ka go sekgao se bjale. Ke duma le ka no... ge le ka no bona.

<sup>177</sup> Ge o... Tlogela go sepela: seo ke se se e dirago, le a bona. Gosasa bošego re tla ba le mothalo wo wa thapelo ka iri ya senyane, le a bona, ke—ke le swarelela botelele kudu. A re tšeeng mosadi yo motee yo, gona. Motsofso feela.

<sup>178</sup> O a dumela, o dutše fale? Ee, bakeng sa bofokodi bjola o tshwenywago ke bjona, seo ke se e lego phošo. Le a bona? O kgwathile eng? Ga ke tsebe mosadi. O kgwathile Moprista yo Mogolo. Eupsa, le a bona, ke bile le mokokotlo wa ka go yena, feela bjalo ka ge o dirile nakong ya Abraham. Fa, lebelela ka tsela ye, kgaetšedi, feela motsofso. O bonala o na le morwalo pelong ya gago. Ke wona. Ke morwediago morago kua. O na le bothata ka ditsebe tša gagwe. Yeo ke nneta. O a dumela bjale ka pelo ya gago yohle? Go lokile, e no dumela bjale, gomme o tla fola.

<sup>179</sup> Le bona se ke se rago? “Ge o ka kgona go dumela, dilo tšohle di a kgonega.” A le a dumela?

<sup>180</sup> Go ne mohumagadi yo monnyane o tšere seatla sa gagwe tlase morago fale, o ntebeletše thwi. O tlaišega ka bolwetsi bja swikiri. A o a dumela gore Modimo o tla fodiša bolwetsi bjoo bja swikiri, a dutše fale fao? Go lokile, o ka kgona go ba le se o se kgopelago, gona. E no dumela.

<sup>181</sup> Mohumagadi godimo kua go tloga go wena, o na le bothata bja lelalegolo le bothata bja sebudula. A o a dumela gore Modimo o tla fodiša seo, a dira seo se loke? Go lokile, o ka kgona go ba le se o se kgopelago. Seatla sa mohumagadi yo monnyane. Le a bona, bjale lebelela, e no mmotšiša, Se sengwe se sebose ka kgonthe se mo rathile. Le a bona, tumelo ya gagwe, seo ke se e se dirago. Ga se nna. Ke Modimo.

<sup>182</sup> Fa, monna šo o dutše thwi fa mo mafelelong. O na le bothata bja megolo, monna yo mogolo a dutšego thwi mo a ntebeletše. O a dumela gore Modimo o tla fodiša seo, mohlomphegi? Yo motee yola a dutšego kgauswi le wena o tlaišega ka tshwaetšo ka mmeleng wa gagwe. Yeo ke nnete, kgaetšedi, šišinya sakatuku sa gago ge yeo e le mnete. Go lokile. Bohle le beana diatla seng sa lena, dumelang ka dipelo tša lena tšohle. Tate le morwedi, kafao gobaneng go sa? Beang diatla tša lena go lena seng gomme le dumele ka pelo ya lena yohle, Jesu o le dira le fole.

Ke—ke hlohla tumelo ya gago go e dumela!

<sup>183</sup> Mohumagadi a dutšego thwi ka morago ga gagwe fale, a sotlega ka bothata bja mogodu. O a dumela gore Modimo o tla go dira o loke, mohumagadi? Bjoo ke bothata bja gago. Ge seo e le therešo, emelela ka maoto a gago gore batho ba kgone go bona. Le a bona? (Ke mang yo ba mo kgwathago ntle kua?) A ke re, ga ke phoše, mme wa gago šole o dutše kgauswi le wena fale. O na le tshwaetšo ka maleng a gagwe. A o a dumela gore Modimo o tla fodiša seo, mohumagadi? Emelela, le wena, gomme o fodišwe.

<sup>184</sup> Dumela! O a swana maabane, lehono, le go ya go ile. O itsebagatša Yenamong. A o ntumela go ba moprofeta wa Gagwe, goba mohlanka? Seo se šitiša batho, ba re “moprofeta,” ga ba kwešiše.

<sup>185</sup> Lebelela fa. A o dumela ka pelo ya gago yohle? O sotlega ka letšhogo le legolo. O a dumela nka kgona go go botša se se le hlotšego? O bile le kotsi ya sefatanagan. [Kgaetšedi o re, “Yeo ke nnete.”—Mor.] Yeo ke nnete. Yeo ke nnete, go tlhekgemana ga sefatanagan, gomme go gobatša mokokotlo wa gago gomme go ile ka legetleng la gago. A yeo ke nnete? Go ya go go tlogela bjale. Feela nako ya bophelo yeo le yona e e tshwentsego, go e beakanya, eupša o ya go ba gabotse. Sepela, dumela ka pelo ya gago yohle. Jesu Kriste o tla go dira o welwe ke maruru, ge o ka dumela. Amene.

<sup>186</sup> O a dumela? O a dumela A ka kgona go fodiša atheraithisi? Gabotse, e no tšwelapele o sepela nako yeo, O tla go dira o welwe ke maruru.

<sup>187</sup> Ke ba bakae ba dumelago ka pelo ya lena yohle, ba re, “Ka therešo ke dumela ka pelo ya ka yohle”? “Ge o ka kgona go dumela!”

<sup>188</sup> O a dumela gore O fodiša bolwetši bja swikiri le go dira batho gore ba welwe ke maruru, ka bolwetši bja swikiri, gomme o a ba fodiša? O a e dumela? E no tšwelapele o sepela, o re, "Morena, ke a Go leboga bakeng sa yona." Dumela ka pelo ya gago yohle, gomme o tla fodišwa.

<sup>189</sup> Ke ba bakae ba dumelago ntle fale bjale, ka pelo ya lena yohle? Le se ke, le a bona, le sepela go dikologa, le a Le phatlatatša, bagwera. Ke tla le botša, ke ba bakae ba dumelago? E no phagamišetša seatla sa gago godimo, e re, "Ke dumela ka pelo ya ka yohle."

<sup>190</sup> Bjale ke ya go le kgopela go dira se sengwe. Bjale, ge Jesu a bolokile Lentšu la Gagwe, le go dumela seo, gomme a le netefaditše go lena, Jesu gape o boletše se, thomo ya Gagwe ya mafelelo go Kereke ya Gagwe, "Maswao a a tla latela bona ba ba dumelago." Bjale ke ba bakae ba dumelago? O rile, "Ge ba bea diatla tša bona godimo ga balwetši, ba tla welwa ke maruru." A le dumela tshepišo yeo? Ka gona bea diatla tša gago godimo ga yo mongwe kgauswi le wena.

<sup>191</sup> Ge A sa go fodiše, o tla hwa. O apešitšwe ke moriti. Eupša Jesu Kriste o go dira o loke. A o a e dumela? Go lokile, bea ya gago...eya pele gomme o dumele bjale, gomme o tla welwa ke maruru.

<sup>192</sup> Etla, mohumagadi. A o a dumela gore Modimo o tla fodiša TB le bolwetši bja swikiri, a go dira o welwe ke maruru? Tšea... Go lokile, sepela, dumela ka pelo ya gago yohle, gomme o welwe ke maruru.

<sup>193</sup> Go rapela, a le rapelelane seng? Beang diatla tša lena go lena seng, a re nong go rapela, bohole mmogo. Yo mongwe le yo mongwe bea diatla tša gago godimo ga yo motee go yo mongwe. Go ba thari. Bea diatla tša gago godimo ga yo motee go yo mongwe, gomme a re rapeleng.

<sup>194</sup> Morena Jesu, re na le nnete gore Modimo o itsebiša ka Boyena magareng ga batho ba Gagwe. Dimelo tša gagwe, go swana maabane, lehono, le go ya go ile, di iponagatša tšonabeng. O Morena Modimo, Wena Yo a dirilego tshepišo ya Lentšu, O rile, Maswao a a tla latela bona bao ba dumelago. Ge ba bea diatla tša bona go balwetši, ba tla welwa ke maruru. Batho ba ba ipoletše go ba badumedi, badumedi ka go Jesu yo a tsogilego Yo a itsebišago ka Boyena bjale ka semelo sa Gagwe se se swanago A bego a le sona ge A be a le mo lefaseng, go dira Mangwalo Therešo ya maleba, gore O a swana maabane, lehono, le go ya go ile. Morena Jesu, le badumedi ba ka diatla tša bona godimo ga yo motee go yo mongwe, ka Bogeneng bjo Bokgethwa bja yo a tsogilego, Morwa wa Modimo yo a tsebagaditšwego Yo a dirilwego nama magareng ga rena gape bošegong bjo ka go nama ya badumedi ba Gagwe, ke laela moyo wo mongwe le wo mongwe wa ditšhila, bolwetši bjo bongwe le bjo bongwe le mokomane, go

tloga go batho ba, bjalo ka ge badumedi ba ba na le diatla tša bona godimo yo motee go yo mongwe. Leineng la Jesu Kriste, a nke go be bjalo.

<sup>195</sup> Bohle ba ba tla dumelago phodišo ya lena bjale, ba ba dumelago seo thwi bjale, ka go Bogona bjo bo tsebagaditšwego bja Morwa wa Modimo yo a tsogilego, gore o dumela gore o na le kgopelo ya gago e filwe go wena, gomme o tla tsebagatša selo sa go swana, ema ka maoto a gago gomme o re, “Ke e amogela ka pelo ya ka yohle.” Emelelang, yo mongwe le yo mongwe, ka Bogeneng bja Jesu Kriste, yo a tla dumelago. Mo tumišeng! Mo feng tumišo le letago. E no phagamišetšang diatla tša lena godimo le go Mo fa ditebogo. Modimo o tla tiisetša tshepišo ye nngwe le ye nngwe ye A e dirilego.



*MODIMO O TSEBAGATŠWA KA DIMELO TŠA GAGWE* NST64-0311  
(God Is Identified By His Characteristics)

Molaetša wo ka Ngwanešu William Marrion Branham, setlogong o abilwe ka Seisimane ka Laboraro mantšiboa, Matšhe 11, 1964, ka Municipal Auditorium ka Beaumont, Texas, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho photolelo e ngwadilwe gomme ya phatlatlatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)